

VITA
VINCENTII LAVREI
S. R. E. CARDINALIS
MONTIS REGALIS
RVGGERIO TRITONIO
PINAROLI ABBATE AVCTORE.

Chiusella AD *Monte Regale*
ILLVSTRISS. AC REVERENDISS.
ALEXANDRVM PERETTVM
CARD. MONTALTVM.

Biblioteca Sec. Coll. Mont. S. S. S. S.



Regia Biblioteca
Manuale



BONONIAE
Apud Hæredes Ioannis Rossij. c15 12 1 c.
Superiorum permissu.

ACTIV
AD
RVGGERIVM TRITONIVM
AB BATEM
IVLIVS SIGNIVS.


MVRICE quàm celebris Romano
Laurens heros,
Virtute omnigena, gentis honore micer,
Expressere cūaluit dignè Tritonius, illi
Intimus, & pollens candidiore stylo.





VOD olim quendam Græciæ prænobilem
 Virum fecisse penicillo dictitant,
 Ut ingens artis ederet specimen suæ,
 Certamq; normam posteris relinqueret,
 Qua quisq; ductus hauderrante dextera
 Humanam posset affabrè depingere
 Figuram, & cunctis absolutam partibus,
 Breui libello præstat nunc Tritonius
 Cum cura veros optimi mores Viri
 Ad viuum effingens per bonis coloribus;
 Necnon solerti semper deducens manu
 Oris filum, & membrorum, sicut ars iubet;
 Ac ratio à priscis illis nobis tradita,
 Quos nos habere auctores in primis decet,
 Quosq; emulandos duxit hic noster sibi;
 Ergo Vincenti vitam expressit Laurei,
 Expressit vitam Laurei Tritonius;
 Unde unusquisq; sumat exemplum suæ,
 Certasq; leges ex illius moribus,
 Totoq; vitæ cursu deniq; hauriat
 Rectè ad viuendum, & ut verè nos addecer.
 Hoc, certam quisquis ingredi viam cupis
 Non turpis oci, seu maioris negocij,
 Volumen parua molis, verum vberissima
 Frugis, non illibenter sumitotibi.
 Mores formabis, atque informabis stylum.

ILLVSTRISS. AC REVERENDISS.
ALEXANDRO PERETTO
CARD. MONTALTO.



IRE omnes Te suspiciunt, Tuaq;
inclyta facta
In cælum summis laudibus vsq;
vehunt.

Ast ego correptus dudum splendore Tuarum
Virtutum in primis me Tibi dedo volens.
Et quoniam penitus nihil est, de paupere censu
Quod Tibi sepositum tradere nunc valeam;
Hinc, atq; hinc aliquid cogor decerpere tandem,
Vnde meum possis cernere mente animum.
Nec tamen hîc quisquam insimulet me crimine furti,
Seq; putet nomen ledere posse meum.
Namq; Tui studioso homine, atq; apprimè benigne
Hac Tibi dona libens non renuente fero.
Quòd mihi si saueas, si me respexeris vnquam,
Ipse meo nil non cudere Marte queam.

ROB. TIT.

ILLVSTRISSIMO,
AC REVERENDISSIMO
ALEXANDRO PERETTO
CARDINALI MONTALTO
Bonon. Legato, &c.

ROBERTVS TITIVS S. P. D.



*VM pluribus me Tibi nomini-
bus obstrictum esse intelligam
(Cardinalis Amplissime) nec,
unde tam grande es alienum
dissoluam, in presenti habeam,
cogor ab amicis vtcunq; versu-
ram facere, non quidem quia
velim, expunctis quasi rationibus nil amplius præterea
Tibi debere, perinde ac Tecum paria fecerim, nam Tua
erga me beneficia semper in animo meo ita hærebunt, ut
nulla inde longinquitas temporis ea sit deletura; sed ut
grati animi specimen aliquod interim Tibi præbeā. Et
Verò Tui ordinis Viri hac dumtaxat optimæ voluntatis
testificatione cumulatisimè sibi satisfacere putant, nec ali-
ud præterea à clientibus, cbaratisq; suis querere solent;
quamquam ita Tu beneficia tribuere semper consueuisti,
ut nihil aliud ea in re spectes, quàm ipsius accipientis cō-
modum, & ut beneficentissima natura Tuæ obsequaris:
Verū tamen videbor mihi, nescio quo pacto, securius post-
hæ*

hac Tibi debere, si leui hoc munusculo mea aduersus Te
Voluntatis nonnullā significationem praebero. Ruggerius
Tritonius Tuus intimus à secretis, Vir idcò Tibi tanto pe-
rè carus, quia maxime probus, atq; ingenuū artibus miri-
ficè instructus, copiam mihi fecit cuiusdam suae scriptionis,
qua Vincentij Laurei Cardinalis vitam puro, atq; ele-
ganti dicendi genere complexus fuit; ea mihi digna protin-
us visa est, quae vel ipso infcio publici iuris efficeretur,
idq; multis de causis, in primis verò, quoniam excellentis
illius Viri aetiones huiusmodi proculdubio fuisse constat,
ut omnibus ad imitandum proponi iure mereantur, adeò
is toto vitae suae decursu in omni virtutum genere assidue,
ac non segniter se exercuit; cuius rei praeter multa argu-
menta, quae afferri possunt, atq; hoc scripto comprehen-
duntur, illud certissimum esse fatentur omnes, quod Gre-
gorius XIII. Pont. Max. eundem nullius Viri principis
hortatu permotus, aut aliquo proprio commodò persuasus,
verum ipsius dumtaxat meritò impulsus, in Cardinaliū
ordinem cooptauit: Praeterea plurimum conducere ad elo-
quentiam arbitror, si quis Christianae Religionis caeremo-
nias, ritus, atq; alia multa nostris moribus consentanea,
veteribus illis minimè cognita Latinis verbis proprie, atq;
elegantè exprimi videat, quae quis non facile ex Cicero-
ne sua sponte hauriat; porrò Tritonius eo sermonis gene-
re vtitur, ut omnes eundem imitari, quantum in se est,
eniti debeant; Equidem magnum quippiam me praesti-
tisse arbitrarer, si ad eius me exemplum cōponere possem;

conor

conor quidem certè, sed non dum me id assequutum esse plane intelligo, assequuntur fortasse alij, quorum maior impetus ad hæc studia percipiēda ingenium ipsum acuit, promouet industriam. Multa video passim aneis typis in vulgus edi, quæ non modo nullam utilitatem legenti pariunt, aut ad vitam optimam ratione dirigendam, ac, veluti Christianum hominē decet, transigendam nihil conducunt, sed plurimum etiam persæpe obsunt; hæc, unde fructus ingens percipi posset, summa negligentia prætermitti animaduerti. Viderer igitur mihi in publica commoda non leuiter peccare, si, cum possem nostris hominibus normam quasi quandam bonè, beatèq; viuendi exemplo Vincentij Laurei proponere, id ego vel quadam prope modum inuidencia, aut animi socordia, & languore facere differre; Ac Tu (Cardinalis Amplissime) non exiguum ex hac scriptione fructum haurire poteris, qui ad maxima pro Christiana Republ. negocia peragenda natus videris; hinc enim plura iustitiæ, æquitatis, fidei, constantiæ, prudentiæ, religionis, industriæ, temperantiæ, liberalitatis exempla peterelicer, quorum etsi Tu non admodum indiges, ita à natura effectus, ac deinde à magno Tuo illo auunculo Viro in omni virtutum genere eminentissimo institutus fuisti, ea tamen aliquando repetere, & in Vincentio Laureo, quasi in te ipso interdum agnoscere, non fuerit inutile. Neq; verò quicquam dubito, quin hoc meum consilium ab huius operis auctore in optinam partem arripiatur, non inquam is virtuti semper fauere con-


sue-

sueuerit, atq; omnium utilitati, quacunq; tandem ratione id consequi potest, consulere in animum induxerit: Te uerò in primis ita amat, & colit, ut, quod uel tenui modo commodi Tui nonnullam imaginem praeferat, libenter & ipse efficere soleat, atq; ab alijs praestari vehementer cupiat: Rectè igitur fecisse uideri potero, qui hominis officiosissimi, Tui, si quisquam alius, studiosissimi, ac mihi, quod inter ea, quae carissima habeo, numerare soleo, amicissimi, labores nunc publicaui; spero autem fore, ut tempore procedente, non nihil à me ipso in Tuum sinum asferre possim in eo genere scriptorum, quod ab ingenij mei tenuitate expectare licet. Interim Te obtestor, atq; obsecro, ut in alieno opere meam erga Amplitudinem tuam propensionem, & obseruantiam libenter amplecti uelis. Vale.

Bononia Sexto Idus Aprilis. CIO IO I C.



VITA
VINCENTII
LAVREI
S. R. E. CARDINALIS
MONTIS REGALIS
RUGGERIO TRITONIO
PINAROLI ABBATE AVCTORE.



VAM præclaris, præstantibusq;
virtutibus VINCENTIVS LAVREVS
Cardinalis instructus, atq; orna-
tus fuerit, nemo est, qui ignoret;
vt potè quibus in Vrbe, totius or-
bis theatro, in qua, quanti quis-
que sit, in primis æstimari, ponderariq; solet, non
mediocrem, immo maximam honoris mercedem,
ac præmiũ delatum fuisse comperimus. Atqui ego,
vt eas præter ceteros cognitæ, atq; p̄spectas habui,
ita nullo vnquam tempore contemplari, & admira-
rî desistam. Utinam autem & æmulari aliquando
liceat. Vnum, quod in me erit, procul dubio præ-
stabo,

stabo, nimirum ut, quandoquidem iustis officijs,
 ac debita erga patronum, vel potius parentem opti-
 mum pietate mihi met ipsi satisfacere nequeo, saltē
 immēsas eius virtutes perpetuō venerer, grataq; sem-
 per memoria prosequar. Apud illum. n. ab incunte
 ætate educatus, non familiaris, sed filij loco potius
 habitus, insigniq; sacerdotio auctus, tot grauium ne-
 gotiorum, quæ pro Christiana Republica suscepit,
 administrauit, atq; confecit, consiliorum demum,
 ac cogitationum suarum omnium particeps factus
 sum; quæ planē dies, noctesq; mecum reuoluētis, vix
 credibile est, quam viuā identidem eius imaginē mi-
 hi ante oculos obuersari sentiam; præcipuē verō se
 se mihi figura, formaq; mentis illius offert, quā, dum
 inter nos degeret, ad eō purā, integram, inuiolatāq;
 gerere visus est, ut nec vllis secundis rebus efferri, nec
 aduersis commoueri potuerit, quo minus eam assī-
 duē ad summum, diuinum, æternūq; numen in-
 tenderet. Ceterum cum vitā illius tam probē actam,
 quæ alijs futura sit exemplo, literis prōdere inlit-
 tuerim, nimis imprudens sim, si hanc à me scripto
 ornatum iri putarim, cuius effigiem in bonorū om-
 nium animis ipsemet Cardinalis clarissimo animi,
 ingenij, consilijq; sui lumine expressam, atq; poli-
 tam reliquit. Tantū igitur agam, ut ipsius sapien-
 ter gesta, & dicta, quibus ego interfui, vel quæ ab il-
 lo excepi, secundum fidem, & religionem eo consi-

lio faciam palam, vt, à quo viuo vitam meam egregie institutam fuisse agnosco, eundem quoq; vitam functum morum, sensuum, ac studiorum meorum omnium magis, magisq; in dies habeam præmonstratorem.

VINCENTIVS in vrbe Tropæa, quæ inter celebriores Gallabriæ numeratur, ortus patrem habuit Antonellum Laureum Iacobi filium; qui à Rogerio Laureo, olim Perri Regis Aragonum, classi præfecto originem duxerat; virum frugis, atq; industriæ matrem Raimundam è nobili Milliarisiorum gente, probatissimam castitate, ac prudentia formidatissimam; fratres duos; quorum alter maior natus Marcus nomine, è Diui Dominici instituto vitam professus magnam diuinarum rerum doctrinam percepit, ac mox Campaniensi, Latriensiq; Ecclesijs non mediocri cum laude præfuit; alter natus minimus Leonardus, & ipse apprime eruditus Sacerdotium Murri vallium in Piceno est assecutus, ibiq; rerum omnium, quæ ad regimen illud attinere viderentur, debita cum diligentia curam sustinuit; sorores tres; quarum prima Beatrix per totam vitam inhnupta permansit, ac tot præclaris animi dotibus ornata fuit, vt non immerito Dianoræ Condobettæ Ferdinandi Carafæ Nuceriæ, quam Paganorum vocant, Ducis vxori, qua cum vixit, gratissima semper extiterit; secunda Catherina Tropeæ nobili cuidam è Vulcu-

A 2 senijs

4
senijs nupsit: tertia Dorothea, præclarum omnino
sanctitatis specimen, cum sibi Christum Saluatorem
eligendum sponsum duxisset, Neapoli sacrarum il-
larum Virginû coetum ingressa est, quæ seueriores
à Diuo Francisco præscriptas leges sectantes, perpe-
tuis vigilijs, ac ieiunijs deditæ, vestitu aspero indu-
tæ, nudisq; pedibus incedentes, vulgò Capuccine
appellantur.

VINCENTIVS adhuc paruulus, Beatricis ope-
ra, Filogasum ad amplissimas, splendidissimasq; Fer-
dinandi Ducis edes adducitur, vt illic vnâ cum Al-
phonso Ducis filio, eiusdemq; ætatis puero educare-
tur. A Duce statim, tanquam alter filius, recipi-
tûr, atq; eidem præceptori, cui prius Princeps filius
commendatus fuerat, instituendus traditur; præce-
ptor autem erat Ioannes Padilla natione Hispanus,
tûm genere, tûm in primis mûrum elegantia, & can-
dore nobilis. Is adeò grauius de pueris curam ges-
sit, vt breui tempore teneros viri usq; animos, & hu-
manitatis, & (quod caput erat) pietatis studio im-
buerit; præter ceteras quidem ingenuas exercitatio-
num, quasi leges, quotidie ab ijs post mandatas me-
moræ lectiones statis horis sacras preces de-
cantandas indixerat; quem ritum postea Vincetius
tam religiose obseruandû sibi putauit, vt illum nun-
quam, licet pondum sacris initiatus, prætermis-
si mihi sæpius affirmauerit. Iam verò Filogasi ran-
tope-

toperè in literarum studijs versatus est, ut breui nò
solum Latinam, verum etiam Græcam linguam op-
timè perdisceret; vtraq; facillè, eleganterq; scriberet,
de re quaque proposita orationem ornata[m] habe-
ret, ac politiora etiam carmina còderet. Mirum,
quòd vel tenera illa etate incredibilem quãdam præ-
ferret grauitatem: qua motus Ferdinandus Dux, si
quid sibi ad aliquè secretius perscribendum esset, ip-
sum vnũ eligeret Vincentium, cuius fidei, atque
taciturnitati omnia crederet.

Quo autem commodius Dialecticæ, ac reliquis
grauioribus disciplinis incumbere posset, se se in
aliquam celebrem Academiam conferendi potesta-
tem à Ferdinando impetrauit. Primum itaq; Nea-
pollin, mox Pataviũ contendit, sed cum Romam
ex itinere venisset, accidit, ut eum in Vrbe de Diui
Petri Cathedra festus, solennisq; celebràretur dies;
ab exquilijs nò procul à Pontificijs Diui Marci edi-
bus feròx, acerbq; taurus irruens ipsum mediũ corni-
bus arripuerit, sublatumq; non modò nullo incom-
modo affecerit, sed & leuiter solo repositum quodã
modo vilis fuerit reuereri, quod fortassis quasi di-
uinatione quadam ipsummet aliquando inter pri-
mores Ecclesiæ procures extollendum fore, præsi-
gnificarat.

Patavijs, quàm excellèti, singulariq; ingenio præ-
ditus esset, amplissimè demonstrauit. nam non mo-
dò

dò Philosophiæ, & Medicinæ, verùm sacra Theologia scientiam incredibili propemodum celeritate est assecutus, atq; in succum, & sanguinem suum conuertit, in his omnino cognoscendis, atque tractandis tantum studij posuit, vt in quâ nam doctior euaserit, vix potuerit dijudicari; de eximia certe Vincentij in Theologicis doctrina olim Pius Quintus Pontifex Maximus grauissimum iudicium fecit; quippe qui illum Diui Thomæ Aquinatis volumina non solû diligenter euoluisset, sed memoria quoque comprehendisset dicere solitus erat.

Postquâ in celeberrimo Patauino Gymnasio de more omnium applausu lauream (cui tamen rependisse potius, quàm ab illa decorem accepisse quodâ modo videbatur) adeptus est, eo consilio Romam venit, vt alicuius principis viri familiaritatem iniret; apud quem præstantis animi sui bona exercere valeret; neq; enim ignorabat, Romæ potissimum, tanquam in vniuersi orbis palestra, cursum non aliter, quàm doctrina, industria, pietate, cæterisque virtutibus ad veri honoris metam tenendum esse. Ergo, vt fors tulit, vel primo in Urbem ingressu à Petro Paulo Parisio Cardinale Cosentino in familiarium suorum numerum est receptus; è quibus tunc inter ceteros insignes viros Vgo Boncôpagnus erat; qui postmodum ad summi Pontificatus fastigiû euectus, & Gregorius XIII. nuncupatus; primum illum Gre-

Gregorium Magnum sanctitate prudentia, vigilantia, munificentiaq; re vera visus est æmulari.

Cum verò intra paucos dies Parisius vitam cum morte commutasset, Vincetium illicò, quem & alij summoperè expetebant, Cardinalis Gaddius senior sibi familiarem asciuit, omniq; grati animi officio est prosecutus. imò tanti illum facere visus est, ut quodam die sacrum suum pileum capiti eius imposuerit, atq; dixerit: accipe, Vincenti, omen. neque enim est dubitandum, quò minus hoc insigne tibi aliquando debeat. sed cum Gaddius è viuis decessisset, multiq; certatim patrocinium Vincentio ultro deferrent, peruenit Franciscus Cardinalis Turnonius Gallus, vir tum antiqua generis nobilitate, tum proprijs virtutibus maximè clarus. Hic Vincetium non ut familiarem, sed tanquam alterum fratrem fovendum, atq; ornandum suscepit. quod cum multis sanè indicijs, tum quasi certissimo quodam argumento ostendit, ubi, ut illum cohonestaret, atq; augeret, duobus Sacerdotijs, licet amplioris emolumenti, vulgò Prioratus appellant, quæ in Aruernis diu possederat, semetipsum spoliandū existimavit. Vtrunq; tamen Vincetius aliquot post annos, dum in Polonia Nuntium Apostolicū ageret, quæ maius ob ingentes impensas factas nonnulla re alieno obstrictus, Collegio Societatis Iesu Lugduni paulò ante constituto, vel me negotium in Vr
be pro-

be procurante, ea lege à Gregorio XIII. perpetuò ascribendū curauit, vt duo saltem ex patribus in Sacerdotiorum locis degentes sacris, catholicisq; concionibus populorum illorum salutem consulere niterentur.

Quoniā verò in Cardinalis Turnonij mentionē incidimus, nō ab re forsitan fuerit, si quid de tēporū illorū, quibus is vixit, in Gallijs conditione breuiter perstrinxerimus. Dudum Henricus Rex huius nominis Secundus detestabilem, nefariamq; hæresis pestem, plures regni sui oras periuassisse animaduertat; ac, quò imminentibus malis, atq; incommodis medicamēta necessaria adhiberet, nihil sibi antiquius duxerat, quàm vt cum Philippo Hispaniarum potentissimo Rege, quo cum diuturnum, acerrimumq; bellum gesserat, primo quoq; tempore pacem iniret. Sibi. n. persuaserat, sedatis externis bellis, haud difficulter postmodum intestinis morbis mederi posse. Vt autem huiusmodi pacem stabili, certoq; affinitatis vñculo confirmaret, Philippo Regi Elisabetham filiam, & Emanueli Philiberto Sabaudia Ducis Margaretam sororem despondit; omnibus ferè, quæ prius bello occupauerat, restitutis. Sed ecce humani generis hostis nouam perturbandi Gallia Regni anam actutum præbet, siue etiam Deus immortalis quàm fluxæ, incertæ, & instabiles sint res mortalium, diuinoq; potius, quàm huma-

humano consilio regna, atq; imperia gubernari, regi, & conseruari nobis hoc etiam ex exemplo voluerit innoscere. Henricus igitur Parisijs filia, sororisq; nuptias regia, vt par erat, pompa, magnificentissimoq; apparatu celebraturus, præter innumera alia sumptuosa spectacula, singulare quoq; per ludum equestre certamen edidit: in quo ipse, vt magni atque excelsi animi erat, duobus adhibitis commilitonibus Frâncisco Lotaringio Guisq; Principe, & Alphonso Ferrariæ Duce, summam pugne tribus continuis diebus aduersus quoscumq; fortiter sustinendam suscepit. Jamq; primi diei dimicatio magna cum lætitia, omniumq; in fortissimum Regem applausu processerat. verum dies sequens admodum infastus fuit, & infelix. Assiduus planè tunc precibus, ac non sinè lacrymis Catherina Regina vxor, quasi imminens periculum prælagiret, ab Henrico maiorem in modum contenderat, vt eo die vellent à certamine abstinere. neq; enim in rem esse, aiebat, vt summus Princeps, qui pridie tam feliciter omnium victor euassisset, se se rursus periculo committeret. quin aliquem ex iunioribus Principibus in locum suum sufficeret. Demum Rex adduci non potuit, quò minus Lorgeum Mongomeri Comitem, quem armis exercitatissimum noverat, non solum iterum atq; iterum per nuntios inuitaret, verum etiam iteratis iussibus cogeret, vt cum

eo hasta, equoq; congrederetur, atq; ita periculum faceret, quisnam esset armis præstantior. quinimò hastam iam iam sumpturus fertur prius honorarium quoddam munus Mommoranceo Marefciallo dedisse: istud fer, dicens, vxori adamatæ, & vt bono animo sit, meo nomine iube. quò enim ei morem geram, hac vna tantum vice honoris sui gratia duxi in præsentia congregiendum. Postquã ergò renouata pugna tubis clangentibus ventum fuit ad certamen, in maxima procerum caterua circumspetante, & exitum opperiente, iamq; infestis hastis summis vtrinq; viribus est concursum, contigit, vt Lorgei hasta, solido Regis thoraci effracta, in fragmina euolaret: è quibus vnum instar præacuti spiculi per anteriorem gileæ partem, indeq; Henrici oculum, cerebriq; compages penetrauit. Rex igitur, grauissimo accepto vulnere, nutare, vires præ dolore amittere, iam iam ab equo lapsurus, nisi qui illic aderat astâtes Principes ei præsto fuissêt, ipsuq; in ædes proximas sustulissent: vbi intra paucos dies mortem obiuit, tantaq; in mæstitia bonos omnes, atq; in primis Cardinalem Turnonium reliquit, quantum quis oratione, vel cogitatione etiam complecti nequeat.

Extincto Henrico in Regnum successit Franciscus filius natu maior, cui prius Maria Stuarda Scotiæ Regina fuerat desponsata. is, licet admodum iuuenis

uenis, ad id tamen animum viriliter intendit, ut ex præscripto patris hæreticos insectaretur. pro recta autem regionum munerū curatione Principes Guisios, ut potè acerrimos sacrosanctæ Religionis Catholicæ propugnatores, ac præsertim Carolū Cardinalem Lotharingiæ ipsius Regine sponse auunculum, intimos sibi consultores elegit; palàm omninò hæreticis bellum intulit; Aloysiumq; Borbonium Condæi Principem qui inter alios, factionis caput, illorum partes tuebatur, in carcerem Aureliæ coniecit, ut ultimo supplicio afficeret. Sed vix in Regni curriculo versari cœperat, cum subito morbo correptus in ipso florentis ætatis lumine vitam amisit.

Nulla à Francisco relicta prole, Regno potitus est Carolus frater, nonis eius nominis Rex. Tum primò Catherina Regina mater ob teneram Regis ætatem omnia regere, administrare, & moderari. Condæus non solum è vinculis exemptus, sed & in aulam accitus. Hæretici longè maiora, & perniciosiora, quàm antea, pertexere, atq; etiam pertentare. Catherina à nonnullis Dominationis nimium appetens haberi: quippe quæ tantisper potentiam sibi duraturam existimaret, dum modò his, modò illis partibus fauere videretur. contra verò aliorum iudicio commendari, quòd cautis potius, quàm acrioribus consilijs Regi filio Re-

gnum duceret conseruandum. Vt vt fuerit, non defuerunt, qui ob hæreticorum in aula frequentiarum Regis, tum fratrum puerorum animos praua heresis labe infectum iri etiam atque etiam dubitarent. Præter cæteros Cardinalis Turnonius Principes Guisij, & Iacobus Albonius Sancti Andreæ Marefcallus tam grauitè exarserunt, vt pro Religione Catholica reparanda, tuendaq; de Hispaniarum Rege in Gallias accersendo cogitauerint. quiniâ Vincetij nostri opera Iacobo Laynesio ab Ignatio illo, qui tam accuratè, piè, sanctèq; Sodalitatem Iesu instituit, atq; fundauit; primo Præposito Generali, natione Hispano viro æquè prudentia, ac pietate insigni, vt eorum nomine ad Philippum Regem legaretur, hortatores, suasoresq; fuerant. Nequaquam tamen succcessit: quia Perenottus Cardinalis Granuelani germanus frater tunc in Gallia Philippi Regis Orator constantissimè asseuerauit, Regem suum sermonibus de Galliarum Regno capeffendo aures nullo modo daturum: qui tamen pro Religionis Catholicæ defensione, pro qua vel vitam ipsam profunderè semper paratus fuerat, perditum, equitumq; auxilia, vbicunq; fuisset opus, suppeditare minimè recusaret.

Interim Antonius Vandomus Rex Nauarræ, in aula auctoritatem comparare; se in summorum negotiorum administrationem insinuare; declaratus, qui

tus, qui in ijs, quæ ad bellicas expeditiones attine-
rent, Regis vices gereret; incertum, an spontè Ca-
therina Regina illum in Dominationis subsidium
vel inuitè, vt Regij sanguinis Principibus facereb-
satis, consortem imperij adhibuerit. Difficillima
certè eodem loci potentiam, & concordiam esse
euentus demonstrauit. nam quamuis primò Catheri-
na Regina Antonij consilijs æqua, aut saltem non
aduersa videretur, vtrinq; tamen simultates paula-
tim pullulare, deinde palàm erumpere cœperunt.
Occasione huiusmodi arrepta Catholici proceres
Antonium adire; in partes suas allicere; maiorem
in modum ab eo contendere, vt, si collocatas iam
dominandi spes suas in arduo sustentare vellet, Ca-
tholicos sibi clientes ascisceret, ac, quod magnò pe-
re expediebat, Annam Mommorantium Equitum
Regni magistrum (conestabilem Galli nominant)
nec non Guisq; Ducem in amicitiam reciperet, om-
niumq; consiliorum suorum participes, admini-
istrosq; haberet. Antonius igitur Mommorantium,
nec non Guisium in aulâ euocatos sibi statim adiū-
git, atq; eorum firmioribus præsidijs nixus se se Re-
ligionis Catholicæ patronum, propugnatoresq;
profitetur. Iam verò varijs in locis aduersus here-
ticos horum trium auspicijs exercitus conscribeba-
tur, quando ecce Cardinalis Turnonius confectus
senio, ac mœrore, in quo post excitatos Religionis
causa

causa tumultus iacuerat, diem extremum morte confecit: sicq; vir eximius alieno Reipublicæ Christianæ tempore extinctus auctoritatis, pietatis, & prudentiæ suæ triste catholicis omnibus desiderium reliquit.

Vincentius, tanto orbatus patrono, nihil magis optabat, quàm ut primo quoq; tempore in Italiam rediret, sibiq; , ac suis studiis viuere posset. Sed illustres virtutes suæ illum ad alios longè maiores pro Dei Ecclesia perferendos labores trahebant. nā continuò eum Hippolytus Estensis Ferrariæ Cardinalis; qui paulò ante à Pio Quarto Pontifice Maximo Legatus in Galliam missus fuerat; Catherina Regina, Antonius Nauarræ Rex, Carolus Cardinalis Lotaringiæ, & Mommorātius Magister Equitum, sibi quisq; vehementer, ingentiq; contentione expetiuere. libenter ipse adhæsisset Hippolyto Cardinali, quo cum in Italiam reuerteretur. At illum Dux Guisæ, vnaq; Sancti Andree Marefcialis maiorem in modum hortari, enixeq; rogare, ut apud vnum Regem Nauarræ esset; quem pro Religionis Catholicæ defensione firmandum curaret. nec illum modò per se suadere conati sunt, verum etiam insuper auctores, hortatoresq; grauissimos adhibuerunt, Lainesium Sodalitatis Iesu Præpositum, ac Ioannem Polancum, & ipsum eiusdem Sodalitatis natione Hispanum, qui sacras Vincen-
tij con-

rij confessiones excipere solitus erat. Ij nullis præ-
 termiſſis, quæ ad ſuadendum, rogandumue ſuffice-
 rent, etiam conſcientiæ ſcrupulum iniecerunt. plu-
 rimum enim ad Deum, Deiq; cauſam pertinere aie-
 bant, vt Regi Nauarræ, qui à nullo alio facilius con-
 tineri in officio potuiſſet, haud quaquam aſſidere
 defugeret. Quoniam, inquit Vincentius, in hoc
 conſilio Dei agitur res, vos Deo Sacrum facite,
 vt, quod magis in rem ſuam erit, intelligamus, ma-
 tureq; poſtea faciamus. Poſt die Patres iterum
 Vincentium conueniunt. rem diuinam feciſſe, cer-
 toq; ſe ſe ſcire aſſirmit, Deo quàm acceptiſſimum
 fore, vt Regi Nauarræ aſſiſtat; ſolitamq; ſuam pro
 Religionis Catholicæ tuitiōe, atq; propagatione
 optimā operā nauet. His igitur, cōtra quæ dicere ne
 fas videbatur, adductus Vincentius obſiſtere non
 potuit, quin publicum bonum proprijs commo-
 dis, & rationibus præferens, ſe ad Regis Nauarræ
 familiaritatem applicaret. Poſt die eius diei, quo
 Regem adiuit, contigit, vt Rex, acceptis à quodam
 adminiſtro litteris, exarderet iracundia vehemen-
 ti. querimonix titulum in medium proferebat, ſibi
 partim à Pio Quarto Pontifice Maximo, partim à
 Philippo Hiſpaniarum Rege Catholico verba da-
 ri. Exaggerabat, Pontificē nequaquā, ſicuti par erat,
 rebus ſuis ſanere, atq; à Rege Catholico de Regni
 Nauarræ compensatione negotium protrahi. At-
 qui,

qui, non dubito, ait Vincentius, quin pro singulari animi tui prudentia facile noscas, duo tibi, Rex, nuper ad Galliarum gubernationem ascito potissimum necessaria esse, quibus exultationem, & auctoritatem apud summum Pontificem, & Regem Catholicum acquirere possis, nempe ut ad magna te facinora capessenda validum, & in promissis constantem revera ostendas. Princeps enim, qui haud quaquam polleat viribus, magni pendere non potest, & à quo promissa non servantur, huic fides non est habenda. Dudum planè siue id falsa aliqua persuasionem deceptus, siue dominandi gratia admiseris, habitus fuisti, qui Hæreticorum factionem sustineres. Postquam verò te Religionis Catholicæ defensorem, propugnatoremq; declarasti, nō solum, quos abs te fructus expectabamus, nondum percipimus, sed à Condæo Principe, fratre tuo germano, & à Collignio Amirante, nefarijs Hæreticorum Ducibus, insigniores plures vrbes vidimus occupatas. Hinc ne igitur te Summus Pontifex, Rex Catholicus, Principes reliqui aut posse, aut velle Religioni Catholicæ opitulari existimabunt? sed iam agè, Rex, quod Solenni (ut ita dicam) religionis sponsondisti, nobis tandem dependere contendas. fac, ut te re ipsa Catholicum, Catholicorumq; in hoc Regno tutorem esse ostendas. Hac, mihi crede, via impetrabis, ut & summus Pōtifex, & Rex

Catholicus te plurimi faciant, tuisq; rebus optime
consultum velint. Primum hunc Vincentij, sermo-
nem Rex Nauarræ adeò in bonam partem accepit,
vt illi gratias ageret, affirmaretq; , in eam se porifi-
ci num rationem incubiturum, vt in posterum non
modo Pontifex , & Rex Catholicus, verum etiam
reliqui omnes intelligerent, nihil sibi carius esse,
quam vt, quæ pro Religione Catholica tuenda, su-
stinendaq; pollicitus esset, vel ipsa sanguinis effu-
sione præstaret. Quod autem ad Nauarræ compen-
sationem attinebat, mutuis sermonibus sæpius fue-
rat agitatum. egerat quidem Vincentius cum Van-
domo, vt non amplius ad Nauarræ, sed ad externi,
aliquod Regnum adijceret animum. Regi enim
Catholico facilè persuaderi posse, vt Tunetanū Re-
gnum in Africa deferre ipsi aliquando vellent. Inte-
rea verò posse quasi pignus Sardiniam concedi,
dummodo munitiora loca Hispanorum prædijs
retinerentur, & paruulus vnicus eius filius obses in
Hispaniam mitteretur. Verumenimverò vt nihil
rerum mortalium stabile est, cuiusvis violenta Re-
gis Nauarræ subsequuta mors irrita omnia consilia
fecit. Nondum enim sextus post Cardinalis Turno-
rij mortem mensis elapsus erat, cum is Rhotoma-
gum, vnam è celebrioribus Galliarum vrbibus pri-
dem ab Hæreticis occupatam, obsidens, vehemen-
tissimeq; oppugnans, dum quamnam parte per vim

in urbem aditus patere posset perlustraret, è moeni-
bus pila tormento æneo emissâ tam graue vulnus
accepit, vt paucis post diebus è medio sublatus fue-
rit. Vincentius autem illi suâsit, & persuasit, vt Sa-
cro sanctum Eucharistiæ Sacramentum priusquâ
moreretur, vt potè certissimum animæ viaticum,
sumeret: sicuti re vera ipse, vnaq; Princeps Roccha
Surionis eius consanguineus Catholicorum ritu,
pieq; admodum sumpserunt.

Cæterum Vincentius Nauarræ Regis morte
omnes, quas in Gallia concipere potuisset, spes ex-
tinctas esse videns, sese Hippolyto Cardinali Fer-
rariensi addixit: apud quem iam magno in hono-
re, & pretio erat, tribus etiam nummum aureorum
millibus illicò donatus; paucis interpositis diebus,
quod summo opere optauerat, Romam cum Hippo-
lyto redijt ante Comitiorum celebrationem, qui-
bus post Pij Quarti obitum Pius Quintus magna
honorum omnium voluntate fuit Summus Ponti-
fex renuntiatus. Is confestim Vincentio Montis
Regalis Ecclesiam in subalpinis, cui ipsemet diu
præfuerat, detulit. Nouerat siquidem prudentissi-
mus Pontifex vix vlli hominum illam suam (vt ita
dicam) sponsam melius regendam, ornandamue
tradi posse. Ergò Vincentius Montis Regalis Epi-
scopus declaratus non aliò animum adiungere,
quàm vt ad gregem sibi commissum alendum, dili-
genterq;

genterq; fouendum accurreret. Sed illi Pontifex iter aliud multò longius pro vniuersali Ecclesia suscipiendum proposuit.

Res Catholicorū in Scotia tunc tēporis maxime laborabant. Cum verò in id Pius Quintus inuigilaret, vt vel remotissimas quasq; regiones ad sincerum Deicultum adduceret, nihil magis expedire arbitratus est, quàm vt Vincentium ad Mariam Scotorum Reginam legaret. Maria, quemadmodum superius diximus, Francisco Secundo Galliarum Regi nupta fuerat: mox vidua ad paternum Scotiæ Regnum se contulerat: vbi rursus Henrico Stuardo Lennosij Comitris filio nupsit. at siue ei cū marito malè conueniret, siue Morauiensis Comitris fratris spurij hæreticorum facile principis opera in magnas incidit difficultates; quas in primis Elisabetha Angliæ Regina moliebatur, partim vt Hæreticorum factionem & ipsa hæretica sustineret, partim acerbo in Mariam Reginam odio, vt sunt dominatibus omnibus eorum, qui proximè destinantur, inuisa suspectaq; semper ingenia. Anglici enim Regni hæreditatem Mariæ deberi constabat; cuius pater Iacobus Quintus matrem habuerat Henrici Octauī Angliæ Regis sororem natu maiorem.

Sanè Pius Quintus Vincentio in Scotiam ituro dederat in mandatis, vt Reginæ ob Religionis Ca-

tholicę restitutionem consilio, auctoritateq; præ-
 sto esset. quòd si in Scotia res ex sententia succede-
 rent, futurum, vt de Angliæ quoq; Regno recupe-
 rando aliquando cogitaret. quò magis autem Ma-
 riam Reginam ad Religionem Catholicam in pri-
 stinum statum vindicandam, ac defendendam ac-
 cenderet, viginti ei millia aureorum in præsentia
 decernebat; plura sine dubio, si se se occasio obtu-
 lisset, erogaturus. quin etiam ad illam manu pro-
 pria in hanc sententiam conscriptas litteras dedit.
 Ex quo, carissima in Christo filia, tumultus à per-
 duellibus tuis, ijsdemq; sinceræ, ac Catholicæ Rē-
 ligionis hostibus excitatos intelleximus, non præ-
 termisimus, quò minus ex animo, sicuti parerat, ad
 Deum tum nostris, tum aliorum Religiosorum ho-
 minum precibus confugeremus. libenter tibi om-
 ninò vita, ac sanguine proprio suppetias attulisse-
 mus. omni quidem animi ardore Principes Catho-
 licos, vt tibi auxilio esse vellent, hortati sumus. Po-
 stquam verò de tam ingenti periculo diuina opẽ ere-
 ptam fuisse nouimus, vt graui nos ægritudine leua-
 ri sensimus, ita, si non quas debebamus, saltẽ quas
 pro viribus potuimus, Deo gratias egimus. Nunc,
 quoniam ob ingrauescentem iam ætatẽ nostram,
 ac tot immensas occupationes, quibus hîc pro vni-
 uersa Christiana Republica distinemur, in Sco-
 tiam ire non possumus, mittendum duximus Nun-
 tium

rium nostrum Vincentium Montisregalis Episcopum, virum rara singulariꝫ propemodum virtute, bonitate, doctrina, & prudentia præditum; qui tibi singulis quibusq; occasionibus inserviat. ipsi igitur æquè, ac nobis fidem in omnibus adhibebis. Quod ad nos attinet, enitemur certè, atq; efficiemus, ut nullum vnquam paterni affectus, studijq; officium à nobis possis desiderare.

Postremò Vincentius omnibus, quæ ad munus illud obeundum necessària videbantur, mandatis à Summo Pontifice acceptis, longum iter sub ipso feruentis Caniculæ ardu ingressus est; ac me, licet admodum tunc adolescentem, vixq; vllò adhuc rerum usu instructum, qui sibi ab epistolis essem, secum adduxit. Cum primum Lutetiam venimus, Archiepiscopus Glasquensis Reginę, cuius Oratorem in Gallia agebat, litteras reddit. Hisce maiorem in modum optare præseferabat Regina, ut quàmprimùm Nuntius Apostolicus in Scotiam trajiceret. neq; enim dubitabat, quin prudentissimis eius consilijs, auctoritateq; nixa tùm Religionem Catholicam protegere, tùm Regni incolumitati, securitatiq; prospicere, & consulere aliquando posset. efflagitabat tamen, ut tantisper profectionem suam in Scotiam differret, dum alteras ab ea litteras acciperet. nam se interim curaturam, ut, quoad fieri posset, recentis seditionis reliquijs
 è me.

è medio sublatis, tutior ipsi postmodum, ac debita
 cum dignitate illuc pateret aditus. Ad hæc respon-
 dens Vincentius Reginam efficacibus rationibus
 hortari, excitare, atq; etiam inflammare, vt pro Re-
 ligione Catholica in illò Regno restituenda, tueri-
 daq; pristinam animi magnitudinem in Iesu Chri-
 sto Salvatore conseruaret; vnàq; pro comperto ha-
 beret, sibi & æternum Dei nuinen perpetuò affutu-
 rum, & integerrimo Dei ipsius Vicario in primis
 curæ futurum, vt singulis quibusq; temporibus san-
 ctum, vereq; regium studium suum amplexaretur,
 summoq; fauore prosequeretur. quò autem re verà
 Reginæ constitutum auxilium afferret, summam
 ei quatuor mille aureorum è viginti illis millibus
 à Summo Pontifice in hanc rem decretis statim so-
 luendam curauit. Cum verò Reginam nonnullis
 de rebus, quæ tunc litteris committi non poterant,
 admonitam vellet, Edmundum Hayum natione
 Scotum Sodalitatis Iesu, solertem, perspicacemq;
 virum in Scotiam misit: qui postea facile & Regi-
 næ ipse, & Aulicorum omnium intimos sensus ri-
 mari potuit. Compertum quidem est, Reginam;
 si consilijs, quæ illi à Vincentio prudentiæ, fide-
 litatisq; plena dabantur, vsa fuisset; tot graues æru-
 mnas, in quas miserè incidit, euitare procul dubio
 potuisse. nam si, quod ei præter cætera Vincentius
 persuasum iri volebat, vel vnum Comitem Lediri
 gtonium

gonium, Regni Secretarium, nequam, perditissimum q̄; hæreticum, atq̄; in primis Comitis Moravix fauctorem, qui nuper excitatæ seditionis pars maxima fuerat, debita pœna mulctasset, vel saltem ab aula eiecisset, reliquos facinorosos haud difficulter coercuisset.

Elapso tertio mense, ex quo Lutetiam peruenimus, cum nullus adhuc de traiectione in Scotiam à Regina nuntius aduenisset, Vincentius expedire arbitratus est, Dumblanensem Episcopum, integerrimum, prudentissimumq̄; virū, cohortari, ut in Scotiam proficisceretur, ac Reginae quædam admodum salutaria eius nomine enuntiaret.

Porro quàm egrè Vincentius ferret, se tandiu Parisijs detineri, non destitit Regina iterum atq̄; iterū per litteras significare. In ijs asseuerabat, moram huiusmodi nedum Pontificis Maximi, Legationisq̄; suæ existimationi parum decere, sed & clarissimo Reginae ipsius nomini non parum officere. siquidem nonnulli suspicari propterea potuissent, aut eam tam parui à Scotis suis æstimari, ut illos nequaquā ad huiusmodi sanctum, necessariumq̄; opus perficiendum inducere posset, aut in ea (quod Deus auerteret) constantissimum, ingentemq̄; animi sui ardorem, quem tot, tantisq̄; periculis erga Deum, Sacrosanctamq̄; fidem Catholicam memorabili quodam posteritatis exemplo nuper

per aperuerat, aliqua in parte extinctum esse. quin
 immo ageret, ut, quandoquidem tantum de se apud
 singulos Principes Christianos, ac præcipuè apud
 Summum Pontificem expectationis concitasset;
 in id diligenter curam adhiberet, ut tum ob Dei im-
 mortalis gloriam, tum ob suam, populorūq; suo-
 rum salutem certa saluberrimū illius, sanctissimiq;
 propositi iaceret fundamenta. Ecquid enim vere-
 pti, vereq; sanctissimū Pontificis occasionem non
 arriperet, qui & illam præsentī ope adiuuaret, & in
 posterum longè maiori pium, præstansq; eius stu-
 dium esset subleuaturus? qui nihil magis cuperet,
 quàm ut Scotiæ nobilissimum, atq; antiquissimum
 Regnum in pristinum sinceræ Religionis statum
 restitueretur? An non paternam beneuolentiam,
 qua erga illam Summus Pontifex affectus erat,
 mutuis in illo pleno pietatis munere obeundo offi-
 cijs prosequeretur? numuè aliter pacem, tranquili-
 tatemq; certam in Regnum suum adducere, ac sta-
 bilire consideret? An non demum ob Catholicæ
 Ecclesiæ utilitatem proposita præclara facinora ge-
 reret, quibus & nominis sui immortalitatem, & fe-
 licitatem æternam esset effecutura? His itaq; accen-
 sa Regina, Edimburgi, quæ est totius Regni prima-
 ria vrbs, ordinum omnium conuentum egit: ubi
 duo, licet difficulter, obtinuit; quorum alterum
 erat, ut filij, sibi paulò ante nati, baptismus publicè
 sancto

sancto Ecclesiæ Catholicæ ritu celebraretur; alterum, ut Sedis Apostolicæ Nuntius debitò cum honore in Regnum admitteretur. *Itaque cum in illis non iam verò nos Antuerpiam cogitabamus, ut illinc naui in Scotiam primo quoque tempore appelleremus. Porrus quidem Itius propior erat: sed inde soluere ob proximiora Angliæ loca minus tutum arbitrabamur. Atqui tunc in Scotia tam scelestum, tamque nefarium facinus commissum est, ut illud reminisci, nedum enarrare animus quodammodo exhorreat.*

Reverendissimus Rex, variolarum (ut vulgò aiunt) morbo correptus, ne fortassis uxorem contagione contaminaret, se in ædes à regis ædibus Edimburgi seinctas receperat; ubi, simul ac conualescere cepit, ab uxore sæpius inuisitur. quodam autem die cum simul coenassent, atque in multam noctem sermonem, lusuque protraxissent, quominus itidem simul cubarent, excusationem affert Regina, quòd sponsam quandam è nobilibus suis mulieribus ea primum nuptiarum nocte usque, ad cubile honoris gratia esset comitatura: què morè superiores Reginæ observare semper consueverant. Vix Regina discesserat, cum ecce pulvis tormentarius, per cuniculos subter fundamentum domus coniectus, totum ædificium continuò deiicit, ipsumque Regem opprimit: quamvis nonnulli non ruina interemptum, sed, dum

per posticum primo circa ædes auditò a motum
 strepitu in hortum proximum cōfugeret, vnà cum
 familiari quodam strangulatum; moxq; ædes tor-
 mentario puluere deiectas fuisse malint. Planè con-
 stat, exangue Regis corpus in horto repertum nul-
 lo affectum vulnere; nigram tantummodò circa
 collum maculam habuisse. indignissima hac Regis
 diuulgata cede, ingens omnes horror corripuit; qui-
 dam iniquos in Reginam sermones iacere; alij per
 iniuriam libellos edere: nonnulli Comitem Bo-
 duellium, quem cædis nefariæ auctorem fuisse con-
 pegerant, non sicarium, sed crudelissimum carni-
 ficem accusare adeò interdum vulgus acutissimè in-
 dagare, atq; odorati omnia solet. Boduellius, licet
 hæreticus, Reginæ tamen studiosissimus, fidelissi-
 musq; semper extiterat: nuper eam grauissimo illo
 seditionis periculo fortiter liberauerat, ab ipsa de-
 niq; perditè amabatur. quamobrem in spem addu-
 ctus fore, vt Reginam ipsam in matrimonio habe-
 ret, primò vxori propriæ (quasi propter adulterium
 fieri diuortium, aliamq; ducere liceret) repudium
 misit, deinde Regi necem crudeliter machinatus
 est. Regina post, improbissimos de ea, Boduëllioq;
 rumores dissipatos, verita ne quis populi motus in
 eorum perniciem fieret, Edimburgo statuit rece-
 dendum, ac se vnà cum paruulo filio ad munitam
 Striuelini arcem recepit; statuto prius (vt simile ve-

ro videtur) quid inter ipsam, & Boduellium foret
 postea transigendum, nam paucis inde diebus egressa
 Regina, venatum prodire simulat: tunc Boduel-
 lius, velut rex insidijs, ducentis stipatus equitibus,
 illam circumuenire, vimq; ei intendere visus est. Er-
 go Regina una cum Boduellio in arcem regressa,
 confestim cum Orcadam Duce, moxq; maritum
 suum esse declarat, verum nuptia illa nequaquam fau-
 sta, ac diuturna fuerunt: quippe quae non matri-
 monij dignitate, sed indigni facinoris societate co-
 iunctae viderentur. Eo tempore Morauiensis è Sco-
 tia aberat, praeter ceteris tamen relicto Ledingtonio,
 qui nouas, ut occasio daretur, turbas, nouasq; rixas
 faceret. Huic quam facillimum fuit sponte om-
 nium in Regiam, Boduelliumq; ira accensos ani-
 mos acrius inflammare. Raptim igitur, turbulen-
 teq; exercitu Edinburgi comparato, subito Striue-
 linum versus castra mouentur: id ubi Regina intel-
 lexit, secum mulieres tantum, paucosq; aulicos ho-
 mines adducens obuiam prodeundum duxit; Ve-
 nienti debita cum reuerentia assurrexerunt. Interro-
 gati, quam de causa armati illuc accessissent, non
 alia, respondisse feruntur, nisi, ut atrocem iniuriam a
 Boduellio factam, ac crudelem, & indignam Regis
 necem, vimq; ipsimet Reginae illatam vendicarent.
 At Regina noxam Boduellij purgare: nihil non ip-
 sa assentiente commissum. Quo sermone adeo sunt

commoti, & exarserunt, vt omnes illicò vno ore
 acclamauerint. Et tu igitur, Domina, apud nos
 captiuaberis: nec mora, ad arcem insulæ intra lla-
 cum lieuinum in custodiam mittit, vno ei tantum
 lixa, duabusq; infimæ conditionis mulierculis ad ei
 ministrandum concessis. Boduellius interea sese
 ad mare in fugam dat: nauem conscendit. quid de
 eo postmodum euenerit, non satis certum, alij nau-
 fragio demersum, alij ab Orcadum Præfecto occi-
 sum, alij in Daniam appulsum à Danorum Rege
 in vincula coniectum, atq; illic miserè extinctum
 affirmarunt. exploratum quidem habuimus, Mo-
 raiensem in Scotiam reuersum, Principisq; pueri
 tutorem declaratum, nullum impietatis, nullum uè
 seuitiæ genus in Catholicos non adhibuisse. Passim
 bona proscripta; pleriq; mulctari capite; quodq;
 bonis omnibus acerbissimum, atq; horrendum fuit
 spectaculum; Arciepiscopus sancti Andrea, totius
 Regni Primas, Regio sanguine ortus, septuagesimul
 ætatis annum agens, vir pietate, sanctitateq; maxi-
 mè insignis, Edimburgi sacris per ludibrium indu-
 tus vestibus ad supplicium rapitur, publicoq; larro-
 num patibulo suspenditur. Verum enim uerò Mo-
 raiensi nihil magis curæ esse, quàm vt Regina è
 medio tolleretur. Sed & ipsa ad fugam ornandam
 omnem (vt aiunt) lapidem mouere. Præfecti ani-
 mum pollicitis sæpius tentare. quem tamen, vt po-
 tè Mo-

et Morauicēsis amīcissimū, corrumpere nequirit,
Nauicula ē proximis lacui cōtinentibus locis, vti
et vti necessaria in arcem transportabantur. Egre
itaq; Regina cum nauiculario, vt litteras, quas ad
nonnullos ex suis, & pręcipuē ad Dominum de Be-
tori, Archiepiscopi Glasquensis fratrem, dabat, tutō
reddēdas curaret. Scribebat, vt clam circa littus op-
perirētur; futurū nāq; sperabat, vt se se ex arcis custo-
dia eripere, atq; ad eos transire posset. Egregiē ad
id nauicularius operam pręstiterat, donec in suspi-
cione in Pręfecto venit; qui iccirco vel omnes eius
motus obseruare quā diligentissimē cōcepit. Arcis
unica erat porticula: quę si quando aperiretur, illi cō-
Pręfectus perpetuō affidebat: clausę quoq; clauis
non ab alio, quā ab ipso asseruabatur. Accidit
quopiam æstiuo die, vt, dum Pręfectus ante vige-
simam secundam horam cōenaret, clauemq; in ip-
sius mensę angulo reposuisset; puer quidam inser-
uiens; cum mappam mutare videretur, clauem sur-
ripuerit, & ad Reginam detulerit. Regina, illicō
vnius ē mulieribus suis sordida vēstē induta, ne di-
gnosceretur, vnā cū eodem puero, alteraq; mulie-
re per conclaue, vbi Pręfectus epulabatur, tran-
siens ad portam contendit: quā aperta, tū ē par-
te exteriori adeō clausa, vt ex interiori postea vix
potuerit aperiri, nauiculam conscendit, soluit, tan-
tumq; pueri, ac mulieris ope remigando conata est,
vt in

vt in continētē incolumis trāsmiserit, antequām
 Præfectus eam fugisse animaduerteret. Enauiculā
 quoddam dederat signum, quo degētes sui cīrca
 litus ipsam aduentare facīle possent cognoscere.
 Ex his Betonium primò obuium habuit; cū quo
 statim in equum ascendens, totamq; noctem obe-
 quitans longam viā confecit, atq; in tutum pēue-
 nit. Ad illam prorsus confluxerunt, qui se se, for-
 tunas, vitamq; pro eius dignitate recuperanda vl-
 tiō offerrent. At Morauiensis contra exercitum in-
 structum mouet, confestimq; Reginae copias ita
 profligat, vt ipsamet demum ē Scotia cedere coge-
 retur. Intra Angliæ fines ingressa Betonium ad Eli-
 sabetta Regina eo nomine legat, vt publica ac-
 cepta fide in Galliam trajcere possit. Sed quā eam
 indignē Elisabetta in custodiam dederit, & quā
 asperē tractauerit, deniq; quā crudeliter, atq; in-
 iuste capite damnauerit, aliās forsitan edocēbimus.
 Vnum certē præterire non possumus, Mariam Sco-
 tōrum Regina, licet tot tamque grauib; cala-
 mitatib; conflictata fuisset, animum tamen erga
 Sacrosanctam Religionē Catholicā non mo-
 dō infractum, sed constantissimum vsq; ad extre-
 mam halitum adēo fortiter gessisse, vt, quicquid
 prius pro humanę conditionis imbecillitate minus
 dignē commiserat, id præcipuo quodam Dei im-
 mortalis beneficio visa fuerit expiasse.

De Desperatis igitur rebus ad Religionem Catho-
licam in Scotia pertinentibus, Vincentius, cum iam
legationis sue munus se non posse exequi videret,
in nihil sibi magis curæ esse voluit, quam antistante
Summo Pontifice ad regendam Ecclesiam suam Mon-
tis regalibus aduolare, quò cum primò aduenissemus,
non vrbis solum, verum etiam vniuersæ diocesis
loca sacra omni studio visere instituit, ob præteri-
torum bellorum iniuriam euenerat, vt plures in il-
la ditione hæretici non modò versarentur, sed pri-
uatis quoq; in domibus impias cõciones haberent,
doctusq; nefarios agitant. Eos Vincentius partim
incredibili vigilantia, & dexteritate allexit, vt, præ-
uis dogmatibus damnatis abiutatisq;, Religionis
Catholicæ doctrinam amplexantes ad Sacrosanctæ
Ecclesiæ gremium reuerterentur; partim, quos ob-
stinatiores agnouerat, debitis iudicio pœnis affecit
Sicq; radicitus intrâ paucos dies euulsis prauis hæ-
resibus, tota illa diocesis mirandum in modum est
expurgata. Diuturnas, atq; inueteratas inimicitias,
quæ inter plures illius ciuitatis nobilissimas fami-
lias alebantur, abolere laborauit, & tandem extin-
xit; odiaq; mutua ciuium, vix placabilia sustulit,
placauitq;. Collegium deniq; è Concilij Tridétini
præscripto pro puerorum animis ad pietatem, reli-
gionemq; informandis instituit.

Iam pridem Pius Quintus in animo habuerat
-Vin-

Vincentium ad Gallorum Regem Nuntium designare. Sed cum Franciscus Baccodius Episcopus Genuensis apud Emanuele Philibertum Allobrogum Ducem Nuntius Taurini ab hominibus idem grasset, illuc potius mittendum duxit, ut vno eodemq; tempore vniuersaliter proprię Ecclesię propter viciniratē vsui esse posset. Prius Pontifici quędam minus grata cum Emanuele Philiberto intercesserant, non ipsius quidem Ducis culpa, sed administratorum quorundam incuria; qui ei, dum Cardinalem ageret, atq; Ecclesiam Montis regalis à Pio Quarto obtinuisset, in ijs, quę ipsemet pro expellendis hæreticis summopere expetebat; minus afuerant: licet ad id fortassis temporum necessitate coacti. Vbi igitur primò Vincentius Emanuele Philibertum adiuit, illi hortator, suasorq; esse coepit, ut hæreticos è Subalpina ditione sua expelleret. neq; enim vlla alia ratione prouincię illius securitati prospici posse. Recens Galliarum exemplum præ oculis esse, quę tam miserè, tamq; perditè à seditiosis hæreticis affligerentur; nam perspicuum esse, impios hæreticos non alia de causâ conscientię libertatem prætere, nisi ut falsę Religionis inuolucris, & quasi velo quodam in Principes suos perfidiam, & iniquitatem obtendant. nam qui debitam erga Deum fidem violant, an non & Principibus infideles existant? quòd si quid sibi à Sede Apostolica

stolica pro rerum suarum incolumitate in dies spe-
 randum, expectandumq; esset, nullam prorsus aliā
 viam insistendam putaret. Teretes quidem aures,
 intelligens iudicium, summaq; cum pietate sum-
 mam coniunctam prudentiam habebat Emanuel
 Philibertus Dux, quocirca sana Vincentij consilia,
 ut ab optima fide, & optimo animo proficiscebantur,
 non modò agnouit, sed & re ipsa probauit. nā
 auctoritate, atq; imperio confestim Sedis Aposto-
 licæ Nuntio astitit; qui quot quot hæretici in illa
 Prouincia essent, aut hos eiecit, aut impuros, im-
 piosq; eorum sensus pura, incorruptaq; Catholicæ
 fidei doctrina emendauit, & ad bonam frugem, ut
 dicitur, redegit; Ex actis planè Romam transmissis,
 quosdam è nobilioribus familijs, qui nefaria hæ-
 resum peste infecti fuerant, publicè abiurasse con-
 stat. Sed & Tendæ Comitissa, licet magnorum Prin-
 cipum potentia fulciretur, Taurino, vbi priuatæ
 eius edes à prauis Galuinianæ Sectæ hominibus fre-
 quentabantur, discedere, ac se Geneuam, turpibus
 & ipsa hæresum sordibus inquinatā, ad foedissimā
 illam Christianæ Reipublicæ sentinam conferre
 coacta fuit. Nicia inter ceteros Rogli Dominā,
 auctore Vincentio, abiurauit. Fœmina illa sangui-
 nis genere nobilissima pestiferum hæresis venenū,
 quo ipsa pridem correpta fuerat, alijs infundere tā-
 to opere laborarat, ut à Beza illo Geneuensium pseu-

do magistro Prouinciæ Apostola appellaretur. At post quàm perniciosam animi labem eluisset, confestim egit, vt è subditis suis trecenti, & quinquaginta hæretici homines resipiscerent. Memini tunc Emanuelem Philibertum Ducem, vnaq; Tendæ Comitẽ, qui sermonibus pro foemina ad Religionis Catholicæ pietatem instruenda à Vincentio habitis interfuerant, dixisse, eiusmodi argumentis vel eas vniuersas regiones, quæ fuerant contaminatæ, potuisse ab hæresibus reuocari. Hinc Vincentius Pio Quinto Pontifici auctor fuit, vt Emanuelem Philibertum inter ceteros Principes Christianos maximè clarum haberet, vnicq; amaret. Præclarum certè paternæ suæ erga eum beneuolentiæ signum præbuit, cum Michaelẽ Bonellum Cardinalem Alexandrinum ex sorore nepotem, qui Sabaudię res in Vrbe auctoritate perpetuò protegeret, hac vna scilicet conditione voluit declarari, vt sibi quoq; quoad viueret, in hoc pars maxima reseruaretur; sed longè magis, quando post celeberrimum, sanctumq; illud sociale inter eundem Pontificem, nec non Regem Catholicum, & Remp. Venetam aduersus Turcas foedus sancitum de Emanuele Philiberto vniuersæ classis, & exercitus præficiendo cogitauit. neq; enim ignorabat, Principem illum, qui vel à teheris annis sub Carolo Quinto Cæsare inuictissimo belli summam administrauerat, adeò

virtute, scientiaq; rei militaris præstantem esse, ut non dubitandum videretur, quo minus felici eius ductu, & auspicijs certa omnino de hostibus victoria reportaretur, nisi iam Deus, cuius in primis ope, & auxilio summorum Principum consilia gubernantur, insignis illius victoriae gloriam Ioāni Austriaco destinasset. Quanti verò Emanuel Philibertus probitatem, prudentiam, sapientiam, cæterasq; præstantissimas Vincentij virtutes æstimauerit, nihil est, quodd in medium afferamus. palam est enim, ipsum illis tantum tribuere solitum fuisse, ut nihil quicquam vnquam in animo haberet, quod non cū Vincentio communicandum putaret. memoria teneo, Emanuele Philibertum, quo tempore Vincentius Taurini dupla, vel tripla etiam quartana iactaretur, & me, ut negotia procurarem, ad eum sæpius mitteret, mihi semel, atq; iterum asseruisse, se Principum omnium fortunatissimum fore, si vnū, aut alterum administrum haberet, qui sibi æquè inferuiret, ac Montis regalis Episcopus Sedi Apostolicæ egregiam, utilemq; præbebat operam. Angroniæ vallis, quæ intra alpes sita est non procul Vesulo, Padiq; fonte, ab hæreticis post hominum memoriam semper habitata fuit. eam enim antiquitus Valdenses, postremis verò temporibus Calviniani tenuerunt, natura, situq; locotum, atq; in primis Gallorum confinijs ita septi, munitiq;, ut armis nun-

quam depelli potuerint: Egerat Vincentius cum Emanuele Philiberto, ut illuc sibi proficisci liceret; neq; enim diffidebat, quo minus pijs sermonibus, hortationibusq; miseris populorum illorum viuendi conditiones ad Sacrosanctæ Religionis Catholicę institutiones conuertere aliquando posset.

Sed interim mortuo Pio V. Gregorius xij. creatus Pontifex Maximus, aliam illi continuo prouinciã, in qua multo maiorem pro Dei Ecclesia sementem faceret, indeq; maiorem quoq; mēsem meteret, delegauit. nam cum in ipso Pontificatus initio Christianorum omnium Principum animos tentare orsus esset, ut foederi pridem aduersus Turcas inito ascribi vellent. Vincentium ad Sigismundum Augustum Secundum Polonorum Regē Nuntium declarauit. quod quidē Emanuel Philibertus admodum iniquo animo tulit. ac quanto perē se fecanti, tamq; præstantis viri præsentia, & consilio priuatum iri doleret, per litteras Pontifici significauit. quin constans fuit opinio, nonnullos, qui Vincentium apud Sabaudicę Ducem tantum auctoritatis habere ægris oculis perspicerent, Summo Pontifici, ut illum honoris gratia, siue etiam ob publicum commodum in Poloniam mitteret, suppliciter insinuasse. At dum se Vincentius vię accingeret, illic dē Sigismundi Regis obitus nuntiatur; quocirca, ut tãdiu itinere desisteret, à Pontifice habuit in mādatis, dum

dum nouus Rex fuisset electus. Romam quoq; accessit, in Vaticani Pontificijs ædibus liberaliter, honorificeq; tractatur.

Dehinc Henricò Valeſio, Caroli Gallorum Regis fratre, à Polonis ad Poloniæ Regnum electo, conſeſtim Vincentius Summi Pontificis iūſſu in Galliam proficiſcitur, vt ipſi Henrico Regi tūc de ampliſſimo à Polonis ſibi Regno delato gratularetur, tūc frequens Sedis Apoſtolicæ nomine aſſideret; illumq; ad Religionem Catholicam in Polonia defendendam, propagandamq; excitaret. Hæc quanta cum fide, ac diligentia præſtiterit, re ipſa vidimus comprobatum. Porro Lutetiæ cum Henricus conditionum capita, è quibus vnum præter conſuetudinem inito inter hæreticos in Polonia foederi nimis faueret, à Polonis Legatis allata iure iurando confirmaturus eſſet, ſola Vincentij cohortatione perimoti Epiſcopus Poſnaniensis, vnaq; Palatinus Laſchius, nec non Dux Olicæ, qui è legatorū numero erant, ſe ſe palam oppoſuere, ac teſtificationem contra illud exitiale hæreticorum foedus obſignatum in tabellas retulerunt. idq; licet Ioannes Sboroschius Odolanouiensis (vt vocant) Capitaneus atrox, truculentuſq; hæreticus; & ipſemet vnus è Legatis tūc propria animi ferocia, tūc aliorū hæreticorum ope, & auxilio fretus plurimum inſultaret, ipſiq; Poſnaniensi coram Rege necem

lingua

lingua Polonica minatus fuisset, quò verò Vincen-
 tius Posnaniensem, alioquin natura timidum, ad
 præclarum illud opus perficiendum magis accen-
 deret, semel ad eum mediæ noctis tempore Aloysiū
 Cardinalem Estensem adducere coactus fuit; qui
 vel mille sibi nobiles homines, si opus foret, præsi-
 dio futuros polliceretur. simulac autem peruenit in
 Poloniam, omnes ingenij neruos intendit, ne à Re-
 ge in ipsa inaugurationis solenni cerimonia aliud
 iusiurandum præstaretur, quàm quod à superiori-
 bus Regibus præstari solitum fuerat; nimirum ut
 vna hac ratione nouum illud pestiferum hæretico-
 rum foedus abrogaretur; pro quo approbādo quā-
 uis Cracouiæ, Vilnæ, & Sandomiriæ Palatini à
 Rege vehementer etiam atq; etiam contenderent,
 tamen ab Archiepiscopo Guisnensi Regni Prima-
 te, quem Vincentius ad id maiorem in modum ex-
 citauerat, repulsam tulerunt. quam ob rem cum du-
 bitaretur, ne tumultu in templo, vbi Rex inaugura-
 batur, concitato ad arma deueniretur, expedire visū
 est, ut Cotqueuischius Lituaniæ Maresciallus pro-
 poneret, satis omninò illis esse debere, si Rex pacē,
 & tranquillitatem inter dissidentes de Religione
 conseruaret. quod quidem Rex se curaturum, nullo
 tamen iureiurando interposito, firmosq; Catholico-
 rum iure, affirmauit. in illis Comitijs, quæ ob Re-
 gis inaugurationem Cracouiæ celebrabantur, sum-

mis viribus laborabant hæretici, vt, dum Regni statuta confirmarentur, proposita Parisijs capita rata, firmaq; haberentur. Hoc Vincentius continuò oppugnare, Regem adire, alloqui, vehementius admonere, hortariq; , vt hæreticorū postulata nihil penderet: quin impunè contemni posse sibi persuaderet. si stabilia Regni diutius retinendi fundamenta iacere vellet, in primis Religionem Catholicam sanctam rectam seruatum iri curaret. nam si Deo debitus cultus non persoluatur, an & Regibus obsequia debita impendantur? Volueret animo, se à pueritia aduersus hæreticos in Gallijs arma mouisse, insignesq; aliquot victorias consecutum fuisse. Nunc tanta omnium bonorum expectatione ad Poloniæ Regnum ascitus paucos hæreticos, quasi latrantes canes, pertimescere? non horum temeritatem, impudentiãq; corripere? Auderet, ageretq; fortiter, futurum proculdubio, vt potentissimum Dei immortalis præsidium sibi perpetuò adesse intelligeret, & maximam nominis exaltationem non apud Polonos solum, verum etiam apud externas nationes compararet. Rex igitur, statuta Regni obsignaturus, confirmationis decretum non aliud promulgauit, quàm quod olim in aliorum Regū, ac præsertim Sigismundi nuper defuncti inauguratione fuerat promulgatum. Huiusmodi Regis decreto hæretici tam acriter exarserunt, vt de externis

Oratoribus ei sciendis in Senatu, licet frustra, non alio tamen consilio retulerint, quam ut Sedis Apostolicæ Nuntium, cui vni profligationem suam acceptam referebant, expellere possent. immo Nuntius Regi persuasit, ut Catholicis tantum Regni Palatinatus, cæterosq; dignitatum gradus deferret. Tali tempore Andreas Lorichius, natione Danus, magni ingenij vir, à Rege Suetiæ ad Henricum Legatus erat. Hunc cum Vincentius ab hæresi ad fidem Catholicam reduxisset, ad ipsum quoq; Suetiæ Regem instruendum appulit animum. nam & illi sapius per litteras, necnon per Stanislaū Varſeuiciū Sodalitatis Iesu Polonum virum nobili genere ortum, doctissimum, ac religiosissimum, sanam puramq; Religionis doctrinam aperire conatus est, & Summo Pontifici persuasit, ut in Suetiam Antonium Posseuinum, & ipsum Sodalitatis Iesu, eruditione, pietateq; præstâtissimū cõmilitonē mitteret.

-m Sed ecce Henricus Rex de Caroli fratris, Gallorum Regis, morte certior factus, Cracouia clam discedit; ut primò per Silesiam, indeq; per Italiam ad Regnum Galliæ sibi debitum, cuius iam fuerat successor declaratus, aduolaret. Poloni ob clandestinum Regis discessum grauiter exarxere. nec defuerunt, qui in Sedis Apostolicæ Nuntium inueherentur; quidam minas intentare; nonnulli adiuncti hæreticis de Regno adipiscendo cogitare. Populi

-m

auram aucupari, ambire: modò hos, modò illos palam prenſare; ſe ſe demum (vt vocant) Piaſtos declarare. Contra Vincentius pro imminentibus periculis propulſandis ſummam prorsus diligentiam, curam, operamq; adhibuit, vt Archiepiſcopũ Gneſnenſem, reliquosq; Eccleſiaſtici ordinis, atq; alios quot quot adire, ſiue per litteras compellare poſſet Principes Catholicos viros in fide contineret. neq; enim tunc res ſecundum leges, nec vt in interregno more maiorum procedebat, ſed aperta vi, & libidine eorum, qui Piaſtum agebant, omnia turbabantur. Piaſti nomine appellantur in Polonia quicumque ex Polonis, ad interregnũ rebus adductis, Principatum ſibi Regium petunt. Vſurpato videlicet Piaſti illius nomine, quem poſt Populum ſecundũ ſceleſtum, ac deteſtabilem parricidam miſerabiliter, vt par erat, extinctum, non humanis ſuffragijs, ſed diuino propemodum iudicio Principẽ renuntiatum fuiſſe nouimus. Siquidem tradunt, cum eligendi Regis negotium in varia ambitioſorum hominum ſtudia, atq; in partes contrarias diſtraheret, interimq; Polonia in ſumma omnium licentia diuexaretur, Piaſtum vnum omnes ſibi Principem dari acclaſſaſſe, atq; vt erat ſordido palliolo indutus, è paruo tugurio, vbì vitam agello modico celandò, & mellificio tolerare ſolitus fuerat, ad Regiam deduxiſſe.

Cæterum, dum post Henrici à Polonia subitum
 discessum in singulis cuiusq; Palatini regionibus
 Conuentus haberentur, plurimum laborauit Vin-
 centius, vt Pistorū petitionibus, & conatibus Rei-
 publicæ causa resisteret. ratione enim, animoq; lu-
 strauerat, ex eorum cupiditatibus dissensiones, &
 discordias ciuiles absq; dubio erupturas; quibus
 Regnum, atq; in primis Religio Catholica misere
 discinderetur, moxq; Turcarum Imperatori, siue
 etiam magno Moscouiæ Duci Poloniam inuaden-
 di, atq; aliqua ex parte occupandi occasio daretur.
 in Conuentu verò generali Varsouię celebrato, in
 quo Archiepiscopus Gnesnensis, ceteriq; Ecclesia
 stici ordinis Senatores imprudenter assenserant, vt
 Synodus prouincialis vel ipsis Palatinatum Nun-
 tijs assistentibus cogeretur, non præternisit Vin-
 centius, quin rem iam propè explicatam perturba-
 ret, atq; impediret. Siquidem nouerat ab aduersa-
 rijs Synodum nationalem, & in ea controuersiarū
 inter Ecclesiasticos, profanosq; homines compo-
 sitionem dolosè prætendi, vt postmodum partim
 blanditijs, partim minis decretum aliquod contra
 Religionem Catholicam, Ecclesiarumq; immuni-
 tatem, ac libertatem ab ipsis Ecclesiasticis extorque-
 rent. Hæc potissimum deducebat; primam post
 Concilium Tridentinum in Polonia celebrandam
 Synodum non nisi Summi Pontificis assensu, &

consilio indici debere. Ad Archiepiscopi quoq; & reliquorum Ecclesiasticorum, vel vniuersa etiã nationis existimationẽ, & dignitatem attingere, vt aliarum Prouinciarum exemplo, quę fidem catholicam mordicus tenent, nec non ex ipsius Cõciliij Tridentini præscripto nonnulla, quę ad diuinum cultum, disciplinãq; Ecclesiasticam promouendam vsui futura essent, statuta conderentur. id autem, dum esset interregnum, nullo modo effici posse. neminem enim non conijcere, perditos dissolutosq; homines, atq; in primis hæreticos, ne quid nefarię pestis ecclesiasticis machinarentur, non aliter, quam auctoritate regia compescendos. An pro ijs, quę fuissent decreta, stabiendis, exequendisq; non primum Summi Põrificis assensione, & approbatione, deinde Principis auxilio opus esse? sed & Episcopo Cracouiensi attulit impedimentum, ne eo tempore diocesanam Synodum ageret, in qua proprijs quibusdam cõmodis ductus Palatinus Nuntios nimis graui in ordinem Ecclesiasticum detrimento adesse volebat.

Iam verò spe ammissa reditus Henrici Regis in Poloniam post legitimã interregni declarationem nihil magis Vincentio curę esse, quàm vt Maximilianus Romanorum Imperator, aut Ernestus filius à Polonis Princeps eligeretur. quod si Poloni spes suas omnes in Maximiliano Cæsare collocarẽt, non solum illius Reipublicę, Religionisq; Catholicę

res in illo Regno pacatæ, tranquillæ, prosperæq; red-
 di quàmfacillimè potuissent, sed & vn̄uerso Chri-
 stiano orbi id magnopere profuturum. Animad-
 uerterent, Regnum Poloniae tantam sibi vna illa ra-
 tione & finium, & fortunæ, & potentia accessione
 adiuncturum, vt vel ipsi Turcarum Imperatori, ne-
 dum alijs formidolosum foret. Accedere etiã, quod
 Summus Pontifex necessarij, Sanctiq; inter Princi-
 pes Christianos aduersus Turcas foederis stabiliendi
 occasionem aliquando haberet. Tam magnum qui-
 dem, tamq; potentem Turcarum Imperatorem eua-
 disse, vt tum Christianis omnibus, tum præsertim Po-
 lonis timorem deberet incutere. Eò maius omnino
 Poloniae à Turcis periculum imminere, quo minus
 Regnum illud natura regionis vallatum, munitum
 esset. Nec spem in Tyranni illius infidelis pace po-
 ni debere, qui è commodo suo tantum fidem seruare,
 re, aut frangere semper solitus fuerit.

Ante diem Comitij habendis dictã Vincentius
 Maximilianum Cæsare admonitum voluit, vt pro
 negotio ex animi sententia conficiendo Lituānos Ma-
 sōuitis coniungēdos curaret, è quibus equitum sex-
 millia (cuiuslibet nationis scilicet terna millia)
 Varsouię præsto essent; qua in vrbe Comitia ipsa
 indicta fuerāt: neq; verò id, vt alicui vis inferretur,
 verum vt aduersarijs, ne quid violenter contra leges
 Regni facerent, frenum iniiceretur; quod ab inferio-

ri nobilitate, quæ Piali, Moschiuè partibus fauebat, eò magis timendum videbatur, quia Podolia Palatinus Piasorum primarius, quò propositum sibi finem consequeretur, & Scytharum in Russiam incursionibus, & vario, atq; ingenti Turcarum terrore vulgus commouere non desisteat.

Comitiorum initio Vincentius inultum operæ, & laboris consumere coactus fuit, quò Archiepiscopus sibi persuasum esse vellet, ne de quopiam alio eligendo, quàm de Maximiliano Cæsare ad Senatum referret. nam vnà etiam de Suetiæ Rege, & de Moscho se relaturum statuerat, conditione adiecta, vt vnus, hæresibus abiuratis, Religionem Catholicam amplexaretur, alter Græcorum sectam reijceret, Romanamq; Ecclesiam agnoscens, debitam erga Summum Pontificem reuerentiam, obedientiamq; adhiberet. Semel itaq; Vincentius facere nō potuit, quin ei diceret: Nonne consideras, optime Præsul, abstequantum cādidatum præteriri? Percunctāti Archiepiscopo, ecquis nā quartus ille esset: Imperator Turcarū, inquit. Cumq; admiraretur Archiepiscopus, à Sedis Apostolicæ Nuntio Turcarū Imperatorem nominari: ne mireris ait Vincentius. etenim si Ecclesiastici ordinis, totiusq; Reipublicæ Polonæ primario Senatori vicinitatis gratia de hæretico vno, & de scismatico altero referre liceret, nonne de infideli sub conditione, si se Christiana fide initiatum

iri promiserit, pariter referri licuerit? sicq; Primatis Regni sensus popularis penitus erit, vt potè qui catholicis, hæreticis, scismaticis, infidelibusq; arri-
debat. His vbi Archiepiscopus sententiam illà suà à sedis Apostolicæ Nuntio impugnari sensisset, ex-
cusationeq; sibi véniam dari postularet, ne, si quæ-
iam pollicitus fuerat, non præstitisset, inconstantiæ
nota sibi inureretur; Constantiam quidè virtutem
esse, asseuerabat Vincentius: quid verò à virtute se-
mina malorum spargentur? eritne è dignitate illius,
qui in Polonia ordinis Ecclesiastici caput esset, vt
dum noui Regis electioni daretur opera, hæretici,
aut scismatici mentionem faciendam putaret? quā-
nam apud Summum Pontificem excusationem affe-
ret? quin diligèter expenderet, quàm grauib; inde
incommodis, difficultatibusq; Respublica afficeret-
tur. etenim omnibus patere, si de vno, aut altero eo-
rum à Primате fuisset relatum, posse facilè negotiū
confici, nulla postmodum conditionum habita ra-
tione; Optimo igitur de Nūtij Apostolici sententiā
capto consilio, Archiepiscopus ad solam Maximili-
liani Cæsaris petitionē promotū edā appulit animū.

Maximiliano in primis studere videbantur Li-
tuani, spesq; non exigua habebatur, vt illis maiori
ex parte Masouitæ, & Prussi coniungeretur. Quò
cautius autem pro Maximiliano ageretur, Vincen-
tius incumbere, vt, quatenus opus esset, comitia illa

tantisper protraherentur, dum aduersa nobilitas discedere coereretur, eo tamen animo, vt Litvani, & Masouitæ præsentés adessent; ad hæc ne comitia, sicuti Piaſtorum opéra timendum erat, dissoluerentur: namq; id, si euenisset, non solum Moscho, qui res suas interea commodius tractare potuisset, plurimum adiuuenti attulisset, verum etiam Turcas in Regnum, vnde postea difficulter expellerentur, propter Piaſtorum ambitionem introduxisset. insuper Vincentius confestim Maximilianum de periculo, in quo versabantur, admonuit, ne nobilitas, vbi secessionem fecisset, quempiam alium tertium statim eligeret. Sin verò, quod futurum omninò sperabatur, ipsum Senatus Regem declarasset, summam rei in celeritate consistere. Præsentia itaq; auxilia præpararet, quibus cōfestim Regnū ingredi posset, antequam aduersarij subsidium à Turcis petendi tempus daretur.

Postremo Archiepiſcopus electionis decretum, quo Regnū Maximiliano Cæsari deferabatur, vniuerso ferè Senatu, necnon Lituanis, Masouitis, Prussis, atq; è nobilitate non paucis assentientibus promulgat. Ad templū subito accurritur. sacer hymnus, Te Deum laudamus, de more solemniter decantatur. idq; licet prius aduersarij vehementius Archiepiſcopo minati fuissent, atq; omnia, quæ pro Maximiliano gererentur in Apostolici Nuntij odium reuocare

uocare contenderent. Cum verò se se in proprium circulum recepissent, liberiusq; obloquerentur, ad Regni Mareſcallum nuntios mittunt, quò impederent, ne ab ipſo quoq; electionis decretum promulgaretur. Præterea Annę Sigismundi Secundi Regis ſorori, quam infantem vocabant, per Sandomiriæ, Belzæq; Palatinos ſibi in animo eſſe ſignificant, vt illam Poloniæ Reginam faciant, dummodò ipſa Principi Transyluanie nubere velit. Vincentius omni tunc cura, ſtudio, ac diligentia eniti, vt auerſam, ſciunctamq; nobilitatem ad Senatus coniunctionem alliceret. Annę infanti ſuadere, vt Tranſyluanie nuptias, tanquam Reipub. Polonę penſiſſimas, recuſaret. futurū, vt e Senatus conſulto, quod à Maximiliano Cæſare approbari debebat, Erneſto Aultriaco, Maximilianipſius filio, poſſet in matrimonium collocari.

Tum per litteras Maximiliano inſtare, vt gere, vt, quam maximam poſſet pecuniâ, ſtatim curaret, quò præſidijs maioribus Cracouia muniretur, firmareturq; & Ruſſiæ rebus, quę non modò à Scythis, verum etiam ab ipſius prouinciæ nobilitate turbari poterant, conſuleretur; copias compararet, quibus quàm primum ad Olomutium Morauie ſaltem accederet. neq; enim dubitandum, quin, ſi primus Polonię fines attingeret, in Regni poſſeſſionem admitteretur. Tarditatem, & procrastinationem non
modò

modò multa ferre incommoda, sed eam quoq; fore odiosam. Magna diligentia opus esse; ab ea vniuersam rem pendere. quòd si aduersario daretur spatiũ, fore, vt ingentia pericula non ipsi solũ Poloniæ, sed & toti Christianæ Reipublicæ impenderent. nã quamuis forsitan Transylvanus cum Romanorum Imperatore contendere minus vellet, ad id tamen sine dubio à Turca impelleretur. nihil ergo esse, cur iam amplius moram interponeret, sed iam acceleraret, vt & Turcæ, & Transylvano malum intendendi facultatem adimeret. sibi deniq; persuaderet optatissimo suo in Poloniam aduentu, quasi oriente sole, omnes irarum, odiorum, seditionumq; tenebras, à Polonorum animis depulsum iri.

Oratores Cæsarei interea, & qui à Senatu ad hoc fuerant destinati, pactiones inter Maximilianum, & Regnum seruandas firmant: rursum electionis decretum promulgatione à Regni Maresciallo itidem facta corroboratur: quin etiam hymnus, Te Deum laudamus, solemnĩ ritu, magnaq; nobilium frequentia iteratur. non iccircò tamen pacati aduersarij, sed nimis præfractè susceptam causam defendentes conuentum generalem Andriouix, ab vrbe Crocouia decem millia passuum, indicunt. quo tempore Transylvanum quoq; in locum illum conuenire posse arbitrabantur. obuiam ei vsque ad Regni fines prodeundũ statuunt. præterea nobiles suos ar-

matos omnes non secus, atq; ad bellum proficiscentes, conuentui interesse iubent.

Hi pro odio, quo Austriacos prosequabantur, & vt externis, domesticisq; præsidijs munirentur, Infantem Annam, vnaq; Transylvanum Regno præficiendum proposuerunt, fore enim confidebant, vt Transylvanus ipse tùm propter vicinitatem, tùm propter Turcarum auxilia eam militum vim subito colligere posset, quæ ad rem gerendam necessaria videbatur. Nec diffidebant, quin Sborosciæ gentis opera vrbein, arcemq; Cracouiæ, vbi Reges inaugurari soliti sunt, occuparent. Cracouiensem quoq; Episcopum, qui de Maximiliano eligendo assentiri noluerat, in partes suas adduxerant.

Inter tot, tantasq; turbas Vincentius factionem Austriacam in officio continere non destitit. Palatinum Laschiũ Viennam statim mittendum duxit, qui Maximilianum de his omnibus erudiret, & ad omnem cunctationem abijciendam stimularet. Maximiliano celeritas maiorem in modum inculcabitur, non solum vt Olomutium quàm primum iret, electionisq; decretum acciperet, sed etiam, quod maxime opus erat, ipsius Laschi j ductu copias ad Lauricoronæ arcem, quæ Cracouia quattuor millia passuum distabat, præsidio firmandam mitteret. nam qua Laschius virtute bellica pollebat, hostes quàm facillimè repressisset, ac præsertim si Christophorus

Sboro-

Sboroscius Cæsaris intimus familiaris illi fuisset adiunctus; à quo etiam spes fratribus Sboroscijs suis cum Maximiliano gratiam ineundi afferri potuisset. etenim Poloni homines non ita sunt pertinaces, ut de sententia semel suscepta deici aliquandò nequeant. Perspectum sanè est, iam à Palatino Cracouiæ orationem, quam ad Maximilianum, si in Poloniam proficisceretur, de se in gratiâ reconciliando, suppliciter haberet; copiosam fuisse conscriptâ. Ex quo summa interdum negotia, quæ ab initio, atq; ex opportunitate quàmfacillimè conficerentur; amissa postmodum occasione, vix magnis impetibus, & conatibus ad exitum perducì posse probatur.

In Andreouienfi verò non legitimo Conuentu absq; primatis authoritate conuocato, post magnâ inter Piatos, Batorianosq; contentionem, cum ex Piatistis alter alteri in petitione cedere nolisset, Stephani Batorei Transyluani Principis, infantisq; Annæ electio ijsdem, quæ in Varsouienfi secessione institutæ fuerant, conditionibus approbatur, & confirmatur. Oratores quidem Cæsarei illic aderant: non tamen, nisi confecto negotio, locutum intromissi; nec aliter, ac si dimicandum foret, in armis excepti fuere.

At non his fracto animo Vincentius esse. imò Maximilianum, ne de Regno desperaret, commone re, dummodò properaret. neq; enim à Turcis; qui,

vt exercitum in Poloniam mitterent, Pannoniæ munitiones denudare nollent; posse subito auxilia Batoreo suppeditari: sed iam, si adhuc Regnum assequi vellent, festinaret, si amittere, cunctaretur. Fabiū illum quidem Maximum olim rem Romanis cunctando restituisse, atqui Maximilianus ipse Romanorum Imperator caueret, ne magnum tam sibi, tam vniuersæ Christianæ Reipublicæ detrimentum cunctando importaret. omnes, qui eius pietatem, prudentiam, animiq; magnitudinem nossent, plurimum admirari, eum toties edoctum res ad tam excellentiam provinciam suscipiendam necessarias opportunè non præparasse. manifestò, & quodammodo manuteneri, si confestim ad Regni limites appropinquaſſet, aut saltem Laſchiū ad Cracouiā urbem propugnandā misisset, & Andreouienſem Conuentum dissolui, Nobiles, qui secellerant, facile in partes suas pèrerahi potuisse. Cunctationem certè suam (quali Conuectus illius acta legatorum suorum præſentiā fuerint confirmata) aduersarijs animos addidisse, vt nihil sibi non audendum arbitrarentur.

Cum verò nuntiaretur, Maximilianum electio-
nis decretum, conditionesq; ab Oratoribus Polonis
allatas nondū accepisse, verum differre, donec quod-
dam à Batoreo responsum ferret, adeò perturbatus
est Vincentius, vt facere non potuerit, quin cū Tor-

cellano

cellano Episcopo, qui eo tempore Sedis Apostolicę
 Nuntium apud Maximilianum agebat, per litteras
 eum ipso quoq; Maximiliano communicandas ex-
 postularet. Batorei responsum expectandum duci-
 ris, ut, sit ne vobis Regnum capeſſendum, poſtea con-
 ſulatis. An non ſatis perſpicuum eſt, Batorem &
 tanquam rerum magnarum cupidum hominem, &
 tanquam Turcarum clientem, ut pagnum obtineat,
 omnia curaturum: quàm vos ſiſſe Regnum primò
 occupanti eſſe obuenturum adiutorios voluti? Rem,
 ut facitis, differte, & procrastinate: vires augendi,
 & ſi opus fuerit, auxilia è Turcis habendi aduerſa-
 rio tempus date. hæc quippè Regni amittendi, per-
 dendiq; vna prorsus eſt via. Num vobis in eo con-
 ſilio cunctandū ducitis, quod niſi per ætæm laudæ-
 ri non poteſt? Appropèradum omnino, ut Regnum
 ſine periculo, & ſine cede acquiri, Turcisq; inuaden-
 di occaſio adiūni queat. A nobis conſtanter ſanè
 ſtant maximè Itrenui, primarijſq; Poloniæ Duces,
 Laſchius, nec non Podolię Palatinus, vnaq; Secigno-
 ſchius; ſed quid hi Cæſaris auxilio, præſentiaq; deli-
 tati aſſequi poterunt? Eia igitur vobiſcum tandem
 ſerio agite. Sin minus omnia è veſtigio in peius mu-
 tata videbimus. omnes enim tantò magis ad alio-
 rum partis conſueſcit, quanto magis verentur, ne Ba-
 tore ſi loco à vobis Turcæ ingenti primùm huius Rei
 publicæ (quod Deus auertat) deinde veſtri, qui vici-
 niores

niores estis, postremò reliqui Christiani orbis pernicio in Regnum hoc introducantur. His Vincentius incitamentis Maximilianum ad sedulò vrgendam prouinciàm impellere conatus est, quibus tamē (quod quidem penitus in fuit) Maximiliani animus commoueri minime potuit.

Hinc aduersarij audaciores facti, viribus quotidie maioribus augentur. Anna infans illicò Varsovia Cracouiam tendit. Batoreus sine vllò impedimento, vel commode etiam Regnum ingressus Cracouia venit, illic cum Anna infante Regni insignia accipit, & in matrimonij solemnia obit. Itatæ ceremoniæ à Cuiusienſi Antistite ob Primatis absentiam, assistentibus Prsimilienſi, & Chelmenſi Episcopis, conficiuntur.

Tunc magnè periculum videbatur, ne teterum, funestumq; Ciuile bellum in Polonia suscitaretur. in id igitur Vincentius omni cogitatione, curaq; incumbere, vt incundæ concordie modus aliquis proponeretur, quod non solum Oratoribus Cæsareis Varſouiae demonstrauit, sed ad ipsum quoq; Maximilianum Cæsarem quàm diligentissimè perscripsit. summa concordie propositæ à Vincentio erat, vt quandoquidem Maximiliani Cæsaris, Ernestiq; filij nomen apud plerosq; Polonos, qui vtrumq; læterant, haud quaquam gratum dignoscebatur, ad Matthiam ipsius Maximiliani, filiū natu minorem

animus intenderetur. E dignitate siquidem tum Maximiliani Cæsaris, tum Annæ infantis, Transylvaniq; Principis futurum esse videbatur, si Archidux Matthias vxorem duceret Regis Suetiæ filiam; ea tamen lege, vt puella etiam tûm declararetur hæres & Reginæ Suetiæ matris, & Annæ materteræ in bonis omnibus, quæ in Regno Neapolitano, & Ducatu Brunsvicensi vtriusq; obueniebant. Ad hæc verò recuperanda Maximilianus auctoritatem suam ita interponeret, vt ex ijs Anna, quoad viueret, fructus capere posset. Porro Matthias, quem optima, præstantissima, vereq; regia indole præditum esse comperebant; in Polonia simul cum vxore apud Annā educaretur: vbi linguam Polonicam addiscere, & adhuc tenerum animum Polonorum moribus, institutisq; imbuere posset. hinc quippè fieret, vt & ipse Iagellonico sanguine ortus, & Casimiri tertij Polonorum Regis abnepos vetustissimum illud Iagellonum genus tam benè de Poloniæ Regno meritum vnâ cum vxore veluti ad vitam reuocaret. Quod si olim Poloniæ ordines sub Ludouico Heduigim, sub Iagellone Vladislaum hæreses declararunt, ac postremo sub Sigismundo primo Sigismundû Augustum non modo heredem constituere, sed Regno etiam viuentē patre inaugurare voluerunt, in rem multò magis futurum, si sub Anna; & Batoreo regnantibus Archiducem Matthiam Regni successorem renuntiarent,

rent, & corona quoq; regia insignirent. Etenim Princeps ille nondum decimum octauum ætatis annum agens, vt lingua, virâ, & moribus breui futurus esset Polonus, ita cunctas imminuentis belli ciuilis causas præcidisset, & cum maximo totius Christianæ Reipublicę commodo veram amplissimo illi, ac nobilissimo Regno pacem, & tranquillitatem attulisset.

Non parui videbatur momenti, quòd cum Poloni nullo vnquam modo laferant, immo dum in ipso ætatis flore summis, ac maximis beneficijs, nempe dignitate regia ornarent, magnopere sibi deuincerent. huiuscemodi certè via Maximilianus cum sui nominis existimatione, ac dignitate ius suum Regno cōcedere potuisset; ac nō solū Lituanos, & Prussos ad concordiam inducere, verum etiam Moscum à cunctis belli rationibus amouere. quò autem in posterum omnia (quoad fieri posset) tollerentur impedimenta, statuendum, ne, si Anna extremum diem obiisset, Bathoreus aliam vxorem duceret, nec contra, si is viuis decessisset, illa alteri nuberet. De Matthia verò, & Sueca cōiuge, si hæc maritum morte anteisset, ille alteri, quàm è Reginæ Annæ voluntate, matrimonio ne iungeretur. At si Matthias ante extremum vitæ diem morte confecisset, Sueca Princeps Archiduci Maximiliano & ipsi Cæsaris filio nuptui traderetur. Posse quidem omnia ita constitui, & priuilegiolorum, quæ ad Regni immunitatem, liber-

libertatemq; spectabunt,habita ratio videretur. De Turcarum Imperatore deniq; non timendum, quin ob huiusmodi concordiam metu ad pacem cum Re publica firmandam adducatur.

Hæc dum à Vincentio proponerentur,Batoreus interea progredi nõ cessauit.expugnata enim Lauscoronæ arce,sicq; maioribus præsijs munita Cracouia, iter Varsouiam versus dirigit. Varsovia prima est Massouiæ vrbs in omnium ferè Regni Prouinciæ medio sita, atq; adeò commoda, vt si quando de rebus publicis sit consultandum, omnium ferè Comitiorum, Conuentuumq; quasi campus exultat. Eò confestim perrexit Batoreus, non modò vt Massouiam sibi deditam confirmaret, verùm etiam vt Lituaniam, Prussiamq; ad suarum partium studium pelliceret. At non illum Varsoiæ expectandum arbitratus est Vincentius, ne ipsum graui in Maximilianum præiudicio Regem salutare, atq; agnoscere cogeretur. nam quamuis (quod Oratores quoq; Cæsarei opinabantur) si semel agere cum Batoreo commodè potuisset, facile cum eo concordie negotium transgisset; non tamen, nisi ad id prius à Maximiliano facultas haberetur, tentandum existimauit; ne à mandatis, quæ sibi Summus Pontifex pro Maximiliani causa dederat, vel transuersum quidem vnguem discessisse ab vilo vnquam argui posset. Inde igitur se se Lo-

H uicium,

uicium, quo in loco Archiepiscopus Gnesnensis de
gere solebat, vnius diei itinere contulit. illuc sta-
tim Batoreus Tencini Comitem Castellatum Voi-
nicensem, nec non Herburtum Sanocensem Ca-
stellanum mittit, qui Vincentium ad ipsum, tan-
quàm Regem, conueniendum, agnoscendumq; in-
ducerent: sin minus, ei, ne in Regno conimbrare-
tur, enuntiarent. Ijs respondens Vincentius osten-
dere non destitit, nihil à se posse, aut debere comit-
ti, quod Maximilianì Cæsaris iuri aduersaretur,
repugnaretue. Constare enim Cæsarem prius Li-
tuani, Prussisq; omnibus, itemq; Senatus maiori
parte, pluribusq; ex nobilitate assentientibus fuisse
electum. Nec obstare, quòd Transylvanus cele-
ritate Maximilianum præuenerit, Regnoq; à suis
fuerit inauguratus. nam nondum compertum, v-
ter omnium ordinum auctoritate approbandus
foret. A Summo itaque Pontifice, eiusq; Nuntio
Transylvanum vti Regem haberi non posse, ne
manifesta Cæsari iniuria inferretur. quin conue-
nire, vt Pontifex, postquam Maximilianum pro
Regni Poloniæ, vel vniuersæ etiam Christianæ Rei
publicæ incolumitate debitis, honestisq; rationi-
bus eligendum curauerat; electionem itidem legi-
timè factam tueretur, donec aliter fuisset ab Ord-
inibus omnibus declaratum. Sibi quidem nihil ma-
gis in animo ynquam fuisse, quàm vt publicæ paci,

tranquillitatiq; atq; vnà Religionis Catholicæ in Polonia conseruationi consuleretur. Neque verò alicui idcò suspectum esse debere, quod Maximilianus iustam causam defendisset; deniq; si (quod maiorem in modum doleret) Transylvaniæ Princeps falsam de se iniectam opinionem huiusmodi pertinaciter retinuisset, non defuturum, quo minus Polonia cederet. Cum allatum esset, postridie manè Batoreum Louicij affuturum, vt ad Nuntij Apostolici colloquium, congressumq; perueniret, repente Vincentius noctu discessit, atq; alium in locum duo Polonicorum passuum millia processit.

Vnde postea Batorei mente melius perspecta, & tùm publica ab illo fide accepta, tùm nobili quodam itineris comite adiuncto Vratislaviam extra Poloniæ fines in Silesiæ prouinciam eo animo profectus est, vt Summi illic Pontificis mandatis, quibus, quid facto opus esset, scire, posset, quemadmodum par erat, præstolaretur. Vincentij certè suasu Pontifex Maximus ad Maximilianum causam sustinendam primò xxv. nummum aureorum millia erogauit, deinde Ioānem Cardinalem Moronum Sacri Collegij Decanum, rerum usu, experientia, prudentiaq; præstantissimum virum, ad Maximilianum ipsum legauit. Hunc Vincentius Vratislavia de rebus omnibus, & præcipuè de propositis concordæ incundæ conditionibus diligenter ad-

monuit: in omnibus deniq; aded egregiam operam præstitit, vt Maximilianus nequaquã sibi, quem admodum antea fortassis ob Henrici Galli electionem grauitèr questus fuerat, verba data esse, sed fide optimã, moreq; Romano secum Sedis Apostolicæ nomine actum fuisse, reuera intelligere potuerit. Sed vt plerunq; incerti, fallacesq; sunt humanorum consiliorum exitus, immaturus Maximiliani Cæsaris interitus, quo tempore ab ipso Ratisponæ Comitia celebrarentur, continuò spes, omnesq; rerum illarum actiones euertit.

Post Maximiliani obitum nihil magis Summo Pontifici expedire visum est, quàm vt Vincentius in Poloniã reuerteretur, & Stephano Regi debita officia tribueret: quod & Rex ipse efflagitarat. Ad Vincentium quidem litteras, quibus eum in Poloniam inuitabat, plenas humanitatis dederat. nam licet illum nunquã vidisset, vel etiam antea ob Maximiliani causam suspectum habuisset, semper tamen admirandam tanti Viri sapientiam plurimi faciendam censuit. Inter cæteros, qui Stephani, tanquam non legitimè electi, dominationem, auctoritatemq; nollèt agnoscere, Gedanensis Ciuitas erat, forsitan ad id etiam ab externis quibusdam Principibus incitata. Gedanum ad ostium Vistulæ fluuij, qui mare Balticum influit, celeberrimum Europæ Emporium habetur. portus ibi amplissimus;

in quo

in quo nonnunquam amplius, quàm trecentæ onerariæ naues è diuersis orbis partibus appulsæ conspiciuntur. Ciues omnes mercaturæ operam dant. Rempubicam autem coniunctim, communiquè iure ita administrant, vt mores, immunitatesquè suas mordicus tueantur. Tunc ergò hos Stephanus Rex armis oppugnare aggressus est, ac per vim sibi ad prisca, solitamq; erga Reges Poloniæ obedientiam præstandam, nec non tributum conferendum adexit.

Cum verò primùm Vincentius Stephanum Regem adiisset, duo illi potissimum inculcauit: quorum alterum erat, vt se se Religionis Catholicæ acerrimum defensorem, propugnatoremq; re ipsa declararet; alterum, vt cum Rodolpho Maximiliani filio Romanorum Imperatore electo pacem, concordiam, amicitiamq; confirmaret. Hisce namq; rationibus & domesticas Regni Poloniæ res facile compositum iri, & Turcis viam intercludi, ne reliquam Pannoniam occupare, aut in Trásyluaniam irruere possent: quemadmodum planè non absque totius Christianæ Reipublicæ periculo timendum videbatur, si inter duos Principes illos bellum fuisset commotum. Dum autem Synodus Prouincialis, de qua pridem Summus Pontifex admonitus fuerat, Petricoui celebraretur, impetrauit Vincentius non solum vt iurisdictionis ecclesiasticæ, quam

hære.

hæretici magnoperè impugnabant, debita conseruandæ ratio haberetur, verùm etiam vt Tridentini Concilij decreta sine vlla exceptione reciperentur. Quod in primis Stanislaus Hosius Cardinalis Varmiensis, vii doctrina, pietate, morumq; sanctitate maximè clarus, qui tunc in vrbe erat, tãto perè apud Summum Pontificem commendauit, vt vnus Montis regalis Episcopi opera, atq; indultia & religionem Catholicam propagatam, & Sedis Apostolicæ authoritatem plurimum in Poloniæ Regno auctam fuisse sæpius affirmarit. Tantuin omninò Rex Stephanus summæ Vincentij prudentiæ, integritatq; tribuit, vt eum omnium consiliorum suorum participem faceret. omnia ei, quæ, vt Smolenschi, & Poloschi Palatinatus, nec non Liuoniæ partem Regno Poloniæ ademptam recuperaret, de bello Moschis inferendo cogitabat, & rationes, quibus, si daretur occasio, arma aduersus Turcas mouenda essent, aperuit. Nam si Summi Pontificis authoritate, quod Vincentij ipsius hortatu mirum in modum optabat, Philippo Hispaniarum Regi Catholico iungi amicitia sibi aliquandò contigisset, fore confidebat, vt breui orientale imperium è Turcarum Tyrannide eximeretur. Proinde si quando se huiusmodi occasio obtulisset, rectà per Transylvaniam, Moldauiamq; validum exercitum Constantinopolim versus ducere, urbemq; illam imperij ca-

rij caput expugnare animo agitabat; nimirum vt præ cœteris Turcarum inhumanitatem, ac perfidiam cognitam, perspectamq; habebat, ita acerrimo eos odio prosequabatur; & quicquid ab ijs in Christianos commissum esset, publicè, quo ad fieri posset, vindicare etiam atquè etiam expetebat. Quo verò tempore Vincentio Cracouiæ successum fuit, Rex Leopoli in Russiæ prouincia erat. Discessurum itaq; Vincentium, quem alloqui plurimum desiderabat, per nobilem quendam primarium inuisit. omnia illi beneuolentiæ officia defert. pretiosiores insuper pelles; zibellinos appellant, dono mittit. quod tamen donum Vincentius accipere recusauit; quippe qui vnum tantum in lucro deputandum arbitraretur, si impositum sibi onus è Sedis Apostolicę dignitate, sacrosanctæq; Religionis Catholicę in Regno Poloniae defensione sustinuisset. Profecit è ego Regis ipsius litteras præ manibus habui; quibus nihil sibi in omni vita optabilius, iucundiusuè eueturum assererat, quàm si pro tanto viro posset aliquandò egregiè laborare.

Cœterum è Poloniae legatione Vincentius Romanam venit, vt Summo Pontifici rerum omnium, quas gesserat, rationem exponeret. Dum autem ad Montisregalis Ecclesiam suam cogitaret, cum Pontifex in Vibe detinuit, ac congregationi; quę ob factorum, anniquè correctionem, emendationemq;

fuerat instituta, præfecit. Siquidem Catholicæ Romanæ Ecclesiæ dignitati tuendæ, nec nō totius Christianæ Reipublicæ commodo plurimum expedire compererat, vt quod olim Concilij Nicæni patres de festi Pascharis celebratione decreuerant, id certa quadam, constantiq; ratione vnà cum fastorum restitutione in posterum obseruaretur. huiusmodi planè arduum, ac difficile opus sæpius antea tentatum erat. hoc enim in Concilio Constantiensi Petrus de Aliaco Cardinalis Cameracensis, homo diuinarum, humanarumq; rerum peritissimus, aggressus fuerat, atq; exindè Nicolaus Cusanus Cardinalis eruditissimus persequi studuerat. hoc quoq; postea in Concilio Lateranensi doctissimi alij, amplissimiq; viri licet diligenter, frustrà tamen curauerant. Etenim diuino consilio statutum erat, vt res tanta, & quæ tantoperè ad Catholicæ Ecclesiæ, & Christi. Reip. dignitatem conseruandam, amplificandamq; attinebat, vnus præcipuè Vincentij studio, cura, industriaq; ad Dei immortalis laudem, perpetuamq; Gregorij xij. Pontificis Max. gloriam intrà paucos dies perficeretur, atq; in tabulas publicas relata vniuerso Christiano populo obseruanda proponeretur.

Sed en repente, mortuo Emanuele Philiberto Sabaudix Duce, noua rursus Vincentio graues pro Dei Ecclesia extra Urbem perferendi labores offer-
tur

tur occasio. Summus namq; Pontifex, qui ob huiusmodi Principis immaturum interitum posse in Cisalpinis regionibus inter Gallos, Hispanicq; Reges bellum excitari timebat, illum ad Carolum Emanuelen, Philiberti filium, eo animo legauit, ut pacem, concordiamq; seruandam curaret. Erat tunc Carolus Emanuel adhuc puer, verum qui singulari ingenio, atq; animi magnitudine ætatem longè superaret. Bellianfam dare videbatur, munitissima arx Carmagnolæ. Hac primùm yna cum Salutarum tota ditione Bellagardæ Maresciallus, Carolo Birago inde deiecto, potitus fuerat. post Bellagardæ autem obitum Philibertus Dux, ne fortassis à vicinis hæreticis occuparetur, militem suum præsidio tenuerat. Posticmò, Philiberto ipso vita functo, statim Gallorum Rex sibi restitui petit, & Gondium Rezi; Maresciallum, qui negotiū cum Carolo Emanuele Duce ageret, in Italiam mitti. Tunc Vincensius Summi Pontificis nomine Ducem hortari, ut tum rerum suarum, tum totius Italix securitati consuleret. Carmagnolæ negotiū magna cum prudentia tractandum, si restituendam decerneret, ita transigeret, ut non metu adactus, sed recto consilio ductus videretur; & restitutione demum sibi aliquid commodi compararet. Sin verò retinendam putaret, vires suas diligenter metiretur, animaduertereq; ad imminen-

res Gallorum imperus propulsandos sibi Summi Pontificis, Hispaniarumq; Regis subsidio opus esse. Dux se omnino recituram sepius assueverat; ad id etiam Pontificis rogata sententia. Sed ut iuniorum Principum animi in consultando facile in contrarias partes distrahantur, subito nonnullorum opera, qui apud eum plurimum poterant, non solum Carinagnolam restituit, verum etiam Centallum, quem locum Anselmus Aunioneensis Bellagarde alumnus firmissimis praesidijs dudum muniverat, Gondio dedendum curavit. qui restitutionem Duci persuaferant, fore aiebant, ut una huiusmodi ratione sibi Galliarum Regem devinciens, ad Genevæ expugnationem animum posset aliquando intendere. Gallos enim illi non solum impedimento non futuros, sed & auxilium allaturos. quin de re tota ab ipso Gondio libellos obsignatos constat. Non mirum sane Ducem, quæ pietate, ac quo Religionis Catholicæ studio ardebat, iniecta sibi expugnatione Genevæ spe, adduci potuisse, ut cum Gondio nullam aliam proprii commodi rationem iniret. At paulo post, quodnam sanius consilium fuerit, facile cognoscere potuit. nam cum ad Genevam arma movisset, Rex Galliarum tam acerbè in ipsum iniectus est, ut primo quoque tempore exercitum ab Urbis illius obsidione revocare necesse fuisset.

Iam verò de vxore à Carolo Emanuele ducenda agi ceptum. alij aliam: quidam etiam Vandomam Henrici Nauarræ Regis sororem proponūt: quæ licet hæretica esset, se se tamen ad pium mariti viuendi institutum transferret. Pro dote non solum Vandomi Comitatum cessurum, sed & ei forsan Regni Nauarræ titulum aliquandò accessurum. Hanc continuò Vincentius acriter improbat. Duci ostendere, nullo modo Principem Catholicum mulierem in matrimonio habere debere, quæ hæresis veneno infecta, alios quoq; inficere proculdubio studuisset. Pro comperto haberet, virus huiusmodi, quod mulier ab vberibus hauisset, posse fortassis ad tempus intra pectoris arcana celari, non tamen deponi. immo quò diutius collectum, atq; inueteratum fuisset, eò magis mortiferum ad regionum illarum perniciem postmodum erupturum. An non in Gallia mulieres hæreticas plurimorum præstantium hominum mentes ad impietatem induxisse? Vlla snè vnquã dignitatis, aut concordie plenas cum heretica nuptias futuras esse. quotquot demum de Vandoma sibi mentionem fecissent, hos pessimos, infidosq; consultores habendos. Si splendidissimã, ornatissimam, vereq; regiam vxorem ducere cuperet, ad vnã Hispaniarum Regis filiam animum aduerteret. Illam non piè modò, sed & religiosè educatam præclarissimum

pudoris, prudentiæ, aliarumq; virtutum omnium
specimen allaturam. Ergo Carolus Emanuel quæ-
admodum in illis antiquius habebat, quam ut Re-
ligionis Catholice rebus in ditione sua optime
prospiceret, sibi persuaderi quam facillime potu-
it, vix & à propositis Vandomæ nuptijs abhorre-
ret, & Catharina Regis Catholici filiam sibi inatri-
monio iungi maiore in modum expeteret. Interea
Gregorius Pontifex Max. Sacrum Collegiū auctu-
rus, vni cum decem & octo alijs præstantissimis viris,
quasi clarissimis Ecclesie luminibus, ipsum quoq;
Vincentiū Card. creauit, ac quanti singulares, & il-
lustres virtutes eius penderet, apertissime demon-
strauit. Vincentius itaq; Card. declaratus, Montifre-
galis ab Ecclesia suis, quæ semper studiosissime co-
luerat, voluit inuicupari. Sacrum de more pileum
à Pontifice transmissum Taurini ipsiusmet Caroli
Emanuelis Ducis manu accepit. Ingens inde om-
nium in illa prouincia applausus, ingensq; lætitia
subsecuta. Nil enim tam arduum, tamue sublime
videbatur, quod non ab eo expectandum esset. In-
credibilem prope modum quandam animi mode-
rationem præseculit. nam huiusmodi dignitatis
accessionem eo in primis æstimandam arbitra-
tur, quod maior sibi pro Dei Ecclesia, Christianaq;
Reipublicæ commodo insudandi facultas accessis-
set. Deniq; omnia, quæ sibi facta, feliciaq; eue-
nissent,

nissent, ad vsum, vtilitatemq; publicam referebat. Iam verò, quod omnes bonum, faustum, foelix, fortunatumq; futurum ominabantur; Philippus Rex Catholicus Catherinam filiam natu minorem Carolo Emanueli Duci desponderat: cumq; iam Dux ad celebrandas nuptias in Hispaniam proficisceretur, se se Cardinalis eo animo Montem regalem recepit, vt post Ducis vnà cum sponsa in Italiam aduentum primo quoq; tempore Romam tenderet: vbi Summo Pontifici, cui se tantum debere profitebatur, præsens non modò verbis, verum etiam fronte, atq; (vt aiunt) oculis meritam gratiam persolueret.

Hæc cogitanti inopinatus, atq; acerbus de Pontificis interitu affertur nuntius; quo tam vehementer contristatus est, vt cum ego ad illum Taurino magnis itineribus aduolassem, vrgeremq; vt quàm primùm Romam ad electionis Comitia properaret, contineri non potuerit, quin vel profusis lacrymis occasionem, qua optimè de se merito Pontifici gratum se præberet, ereptam etiam atq; etiam lamentaretur. Tum Sauonæ triremē prætoria Januensis Senatus paratā cōscendimus, ac tam prosperè nauigauimus, vt biduo Telamonē peruenerimus. Postridie solēnis dies festus, quo Saluator noster è mortuis resurrexit, celebrabatur. Cùm igitur è triremi descendisset Cardinalis, nihil magis ad se perti-

pertinere existimauit, quàm vt sacrum faceret, sur-
 osq; cœlesti Eucharistiæ cibo reficeret. Sed en pro-
 tinus è promontorio Argentario nouem Maurita-
 norum piratarū celoces egressæ duas onerarias na-
 ues mercibus onustas, nobismet ipsis Telamone
 spectantibus, aggrediuntur, oppugnant, & capiū-
 tur. Nos quidem, quo tempore piratæ in altum vsq; ad
 Iginium insulam progressi naues insectabantur,
 facilè remorum vi Argentarium prætergredi, tu-
 toq; ad portum Herculis, vel ad Centumcellas cur-
 sum dirigere potuissemus. verùm Gregorius Cen-
 turionus triremis Præfectus, vir æquè prudētia, atq;
 animi fortitudine præstans, nequāquam Cardina-
 lem periculo committendum duxit. posse enim
 timeri aiebat, ne piratæ, relicta nauium oppugna-
 tione, ad vnā triremem debellandam vires, ner-
 uosq; omnes intenderent. Sic igitur Telamone na-
 uigationem intermittere, ac reliquū itineris terra
 peragere coacti fuimus. planè qui Cardinali co-
 mitabamur, omnes tantum temporis spatium in-
 terponi, & nobis quasi aditum ad Comiria inter-
 cludi vehementer dolebamus. vnus tamen Cardi-
 nalis minimè dolendum, sed in diuinam volunta-
 tem omnia referenda existimās, inquit: Nos, quid
 magis expediret, ignorare. iam à Deo in cœlis,
 qui vices suas in terris gereret, constitutū esse. Dum
 autem in castro Inui, vulgò Cornetū vocant, pran-
 si es-

si esse nus, accidit, ut quidam gregarij milites, qui nobiscum Montalto venerant, vino forsitan actum tumultum concitarint. quamobrem oppidani, irascitatis, statim arma conclamant, unusque è Montaltensibus in ipsa portæ statione graui vulnere conficitur. Ingens periculum imminabat, ne sanguinis magna effusio fieret. Tunc licet pilæ plumbeæ bellicis tormentis emissæ hinc, atque hinc horrendo sonitu volitarent, Cardinalis tamen, quo pietatis ardore flagrabat, sibi minimè potuit temperare, quin lecticâ, qua ferebatur, descenderet, & modò hos, modò illos alloqueretur: nec cessauit, donec pacatos redderet, atque ad pacem inter se conciliandam persuaderet. postridie manè ad Alsiû cum peruenissemus, occurrit nuntius, à quo Felicem Perettû Cardinalem Montaltum Summû Pontificem creatum esse, ac Sixti Quinti nomen sumpsisse intelleximus. Hoc audito, Cardinalis ingentes Deo immortalis gratias agere. Constat. n. cum Pontificem Max. renuntiatum fuisse, à quo excelsa omnia pro Dei Ecclesia magis magisque in dies ornanda, atque honestanda expectari deberent.

Post primum priuatim à Sixto Quinto habitum Concistorium Vincentio Cardinali sacrum galæarum rubeum publice solenni ritu deferunt. Atque Vincentius in Cardinalatu gessit, singillatim enarrare longum esset. In quibus certè à librorum Cardinalium

lium congregationibus interfuit, in ijs nihil magis curæ habuit, quàm vt rogatus apertè, sincerèq; sententiam diceret. quàm quidem in dicendo libertas tem licet quandoq; non omnes probarent, nūquam tamen ipse deponere voluit; vtpotè qui Deo, & cōscientiæ, quàm hominibus satisfacere mallet; quicquè nihil præter quàm quod iustum, honestumq; esset, respiciendū putaret. in dando consilio fidelissimus semper extitit. Si quæ sibi separatim negotia committerentur, tanta animi contētione, tantoq; studio persequi solebat, vt nec dies, nec noctes quiesceret; donec ad finem optatum perducerentur. vix enim in cuiuspiam cogitationem cadere posset, quàm vigili, quàm solerti, quàm ardenti rerum sibi de man datarum transactione fuerit.

¶ Vnum hoc loco non videtur silentio prætereundum; quod cum Sixti Pontificis iussu Regni Scotiæ, latè in primis Regiæ Mariæ res in Vrbe protegendæ munus suscepisset; accidit, vt infelix Regina pridè, quàm secuti in Angliam feriretur, suæ premis tabulas Gallica lingua, manuq; propriâ conficeret: quibus primò se Religionis Catholicæ studiosissimam semper fuisse professam; deinde cauit, ne ad filium Principem, si fallam hæresis, quam animo imbiberat, persuasionem non exuisset. Anglici Regni hæreditas vllò vnquam tempore perueniret, sed loco sui ad Philippum Hispaniarum

niarum Regem Catholicum pertineret. hæc tabulas cum Vincentius Cardinalis accepisset, mira diligentia recognoscendas curauit, vt ad Reginæ vltimam voluntatem aperiendam, fidemq; faciendam sufficerent. nam & cum litteris ab eadem Regina prius acceptis contulit, & non à se solum, verum etiam à Ludouico Audoenno Anglo Episcopo Cassanensi, pio, & integerrimo homine, voluit subsignari. sicq; firmatas, ac tanquam publica auctoritate roboratas Comiti Oliuario, Hispaniarum Regis Oratori, ad ipsum Regem fideliter transmittendas dedit.

Cum autem post illatam Henrico Tertio Gallorum Regi necem Lucemburgius Dux à Gallia in Urbem à Regij sanguinis Principibus missus venisset, vt de altero in Regis demortui locum sufficiens consultaret, nemo ex sacro Collegio liberius, quam Vincentius Cardinalis Lucemburgiū ipsum est allocutus. Siquidem nullo prorsus modo, nullaq; ratione rebus Gallicis prospici posse assererat, nisi Regi verè Catholico commendarentur. Hæretico planè, cui Regni ipsius leges officerent, minimè cōmittendas: sed nec hæretico homini, quauis fortasse iureiurando se se Religionem Catholicam defensurum esse polliceretur, fidem haberi debere: quin nec ipsum hæreticum iureiurando huiusmodi teneri, cui è tribus necessarijs conditionibus,

bus, veritate nimirum, iudicio, & iustitia, duæ deesse compererentur, veritas scilicet, ac iustitia. qui enim hæreticus esset, solamq; Caluini sectam Religionem verè existeret sibi persuasum haberet, quoniam modo Religionem Catholicam, quam falsam arbitraretur, iureiurando confirmaret? Si verò Religionem, quam falsam existimaret, confirmasset, an non iniustam causam secundum Caluini sectam defenderet? proinde nequaquam mirandum, si cautius à Summo Pontifice de re tanta ageretur. ut enim quispiam re vera catholicus habeatur, diligentissimè considerandum quoniam modo sensus, vitæq; institutum ad certam Sacrosanctæ Romanæ Ecclesiæ normam dirigere solitus sit. An non Georgij illius Pogibratij; qui Boemiæ Rex declaratus, nefaria Hussitarum hæresi infectus, tot, tamquæ grauiora Christianæ Reipublicæ incommoda attulit; recens exemplum ante oculos obuersari?

Cum autem Sixtus Quintus è vita migrasset, ingentem sui expectationem Vincentius Card. excitauerat: facileq; sustinuisset (quatenus quidè humani cōsiliij cōiectura assequi possumus) nisi in Comitiorum illorum celebratione; in quibus Ioannes Baptistæ Castaneus Romanus fuit creatus Pontifex, Urbanusq; vij. nuncupatus; ab ijs, quorum præsidio in primis niti debebat, oppugnatus fuisset. Sed cum Urbanus, antequàm inauguraretur, diem suum
 obijf-

obiisset, & rursus ad noui Pontificis electionem deueniendum esset; tunc, qui prius Vincentio aduersati fuerant, non, vt antea, clandestinis consilijs, verum aperte, & palam in ipsum inuecti sunt. Ex his nonnulli fuere, qui plurimum illi debebant, & qui cum ob præstantissimas animi sui dotes Summo Põtificatu dignissimum arbitrabantur: sed, vt Hispaniarum Regis administris morem gererent, vel contra propriam sententiam inuiti veniebant, Hispani oppugnationis titulum præferbant, quod d Vincentius in Gallijs apud Antonium Vandum, Henrici Nauarræ Regis parentem, fuisset. quasi tunc temporis in Gallia, ac postmodum ubiq; locorum non se Regis Catholici, & vniuersæ Austriacæ domus re vera singulis quibusque occasionibus studiosissimum declarasset. sed, vt insignes plerumque virtutes vitiosa æmulatio infectatur, euitare non poterat Vincentius, quin aliquorum inuidia acerrimè premeretur: ex quibus etiã vnus ab ipso olim non mediocri honore, beneficioque affectus tam toruis oculis prosperos eius successus intuebatur, vt, quod maius ei apud Hispanos odium conflaret, magna, impudentiaque mendacia dicere non erubuerit. haudquaquam tamen effecit, quo minus plerique calumniam agnoscetes ardentiori etiam studio Vincentium, tanquam optimum, sapientissimumque Cardinalem, ad celsissimam dignitatis,

honorisq; sedē perducere elaborarent. Inter ceteros, qui eius virtutes fouēdas enixē susceperāt, Alexander Perettus Cardin. Montaltus, Sixti Quinti ex sorore nepos, tunc quidem admodum adolescens, sed qui morum grauitate, & prudentia iam ætate prouectior videretur, miram propemodum constantiam præstulit: quippe qui diuturnis illis Comitijs in quibus tandem post graues contentiones Gregorius xiiij. Pontifex renūtiatus fuit, nulla re à proposito deterreri potuerit, sed tam diu in suscepto consilio permansit, donec vel ipsius Vincentij hortatu adductus fuit, ut, quibus plurimum poterat, suorum suffragijs ad alium prouehendum se se conuerteret.

At quàm equo animo Vincentius se in Pontificis electione præteritum esse tulerit, vel vultu, ac frontē faciliē demonstrauit. quas certē offensiones acceperat, has mira quadam hilaritate, suauitateq; ita condiebat, ut ne minimum quidem videretur commotus semper enim sibi persuasit, animis ingenuis nihil, præter culpam, pertimescendum accidere posse: illatas verò iniurias tum voluntaria obliuione conterendas, tum Deo immortalī remittendas, & condonandas. Admirantibus quibusdam hominem; qui tanta, tamquam præclara facinora pro Domo Austriacā gessisset, Philippi Regis Austriacæ, & Principum potentissimj nomi-

ne impugnari: non admirandum, inquit: nam & Alcibiadem olim propterea accusatū fuisse, quod Mercurij statuam deieccisset, cuius tamen semper studiosissimus extitisset, & cui quotidie sacrificasset. A se nullam vnquam Regem, suo suē offensæ occasionem habuisse, è rectè gestorum conscientia optimè nosse, contrà autē se certò scire, eam Regis pietatem, moderationem, æquitatemq; esse, vt illi incōmodum acceptum referre nec posset, nec deberet. Ad id se quidem perpetuò animatum fore, vt, quod optimo Regi, à quo pridem mille nummūm aureorum annua pensione donatus fuerat, persoluere non posset, grata vīq; ad extremum habitū memoria prosequeretur. Administros quoq;, in quo ipsum indignè accusauerant, excusandos. quæ in ipsum commiserint, non sponte, sed inuidorū, obrectatorumq; opera admisisse. humano deniq; ingenio attribuēdū, vt si quis fortè amicū læserit, ab hoc postea fortunæ modum exigere velit.

Porro quidam ex animo suo aliorum animum spectare soliti, Vincentium, tanquam hominem callidum, versutum, & à quo fronte sententia occultaretur, incusare non destiterunt. cum enim natura, atq; ingenio ita esset affectus, vt nihil non perfectum, aut elaboratum industria agere videretur, immo accuratè, exquisiteq; omnia tractaret, singularem deniq; in rebus omnibus munditiā, elegantiāq;

tiamq; adhiberet, hoc inileuoli non solum in illo, ut par erat, non commendabant, sed & vitio vertebant. qui verò cum eo familiarius vixerunt, asseueranter, iustoq; sacramento cõtendere possunt, neminem ipso magis ingenuum, magisue sincerum, & qui magis animum in fronte gereret, posse excogitari. neq; enim quisquam ex tot nationum hominibus, quibuscum illi vsus, aut negotium vllum fuisset, inueniri poterit, qui ab eo aut dictis, aut factis vnquam deceptus fuerit. Simplicis siquidem veritatis perpetuò amicus, cultorq; extitit; fraudis, mendacijq; inimicus.

Corporis quoq; formam, staturamq; Vincentio nonnulli paruam, nec valdè egregiam esse obiciebant: quam tamen ipse excellenti quadam morum specie decorauit, ut & ad dignitatem apposita, & tanquam speculum, certam honesti faciem exprimere videretur. fertur olim Ioannes Casa, eruditissimus ille, ornatissimusq; vir, qui de moribus ad aulicos homines scripsit, priusquam libellum ederet, ab ipso Vincentio, quem idem aulicorum ferè omnium elegantissimum appellabat, plurima excerpisse. non satis certè eum commendandum sæpius dixit; qui, si quod sibi impedimentum natura impositum esset, admirabili illud industria superasset. Quàmuis autem Vincentio gracilitas corporis esset, affuit tamen robur ad vigilias, liberalesq;

lesq; labores sustinendos firmissimum. Vix quispiā crederet, quā parcè somno vteretur. Accidit sēpē, dum iter vnā facerēmus, vt, licet ne horam quidem decubuisset, statim tamen ē lectulo surgere, atq; in equis esse voluerit.

Non defuerunt etiam, qui Vincentium improbandum ducerent, quod interdum amicis conuiuia nimis lauta, nimisq; splendida præberet. Sed cur non sit potius laudandus, si, vt in amandis amicis modum non habebat, ita, quod maiorem illis honorem tribueret, vel excedendum quandoq; arbitraretur? Amicorum sanè conuictu tā opere oblectabatur, vt illis accumbentibus vix per pauculum cibum caperet, ac se se eorum præsentia, tanquam esca cōquisitissima, pasceret. Vnum semper effecit, vt nunquam mensam sine sacra aliqua lectione extrui vellet. quin & ipsemet plerumq; plura disse-
 ferere solitus fuit; ex quibus doctrinæ, pietatisq; suæ vberrimi, & lectilissimi fructus decerpebantur. Recordor cum Carolus Cardinalis Borromeus clarissimum illud sanctitatis, religionisq; lumen paucis diebus antequam Deo animam redderet, Taurinum venisset, eumq; Vincentius ad prandium inuitasset, inter nos consultatum fuisse, num frugaliter, vel lautius potius excipi deberet, tuncquē Vincentium dixisse: imò quod maior nobis, sanctiorq; hospes futurus est, eò etiam maiori apparatu, cultuq;

tuq; apud nos tractandus erit. Sic igitur mensam elegantius, & sumptuosius, quàm vllò antea tempore solitus fuerat, voluit apparari: cui accumbens Borromeus omnia, tanquàm bono, atq; amico animo apposita, boni consuluit. Neq; verò Vincentius se tantummodò erga amicos, hospitesq; magnificentissimè gessit, sed & ergà domesticos suos liberalissimus, munificentissimusq; semper fuit. quin nec vllus vnquam prudens, attentusue pater familiars magis liberorum commodis inserviuit, quam Vincentius ipse familiaribus suis vsui esse cōtendit. id in me præter ceteros cumulatissimè est assecutus. nam quò animi sui magnitudini responderet, me nobilissimo illo Pinaroliensi Sacerdotio, quod sibi paulò antea Sixto Quinto Summo Pontifice delatum erat, ac cui semper primarij, principesq; homines præfuerant, cohonestatum esse voluit. omnibus certè & viuens, & moriens charitatis, vereq; paterni amoris officium præstitit.

At excelsa, diuinaq; propemodum animi sui bona non tam ex ijs, quæ in vita præclarissimè gessit, quàm ex ipsius vitæ fine videmus elucere. nam, quò quis benè, & cum virtutis laude vixisse dicatur, vt is quoq; benè, & cum laude moriatur, necesse est. sed & tanti mors honesta fieri debet, vt vitæ antea actæ certissimum ornamentum existat. septuagesimum ætatis annum agebat Vincentius, cum in morbum
morti-

mortiferum incidit. Tūc nullam sibi medicinam
 magis salutarem adhiberi posse existimauit, quā
 si animam sacra cōfessione expiatam sacratissimo,
 celestiq; Eucharistiae cibo recrearet. Quō autē di-
 uinum illud ad supernam patriam tenendam via-
 ticum debita cum reuerentia sumeret, licet iam
 acri vi morbi consumptus, ac ferè exanimatus es-
 set, à medicis tamen persuaderi non potuit, quo-
 minus è lectulo surgeret, vestibusq; solitis, quibus
 è Cardinālis gradu utebatur, indutus in proxi-
 mum familiare sacellum non semel, sed bis ince-
 deret: vbi ad altare genibus nixus, priusquā è
 Sacerdotis manibus Sacramentum acciperet,
 Deum in precibus tanto animi ardore est vene-
 ratus, ut iam non in terris, degere, sed inter coe-
 lestes spiritus translatus videretur. Virgentibus
 primò medicis, ut in cubiculo, in quo decumbe-
 bat, aut saltem in proximiorē conclauē, in quo
 scabellum, puluinarq; stratum erat, Sacerdoti Eu-
 charistiae Sacramentum allaturo praestolaretur:
 An nescitis inquit subridens, nobis è mundo di-
 scessuris Deo esse quā proximè accedendū? quan-
 ta corporis debilitate conficiat, non ignoro: con-
 fido tamen, animum valentem, qui morbo tenta-
 ri nō potest, ad supremum hoc meum erga Deum
 munus exequendum subsidio futurum esse.

Vna illi rerum humanarum supererat cura, for-
 tunatū

runarum scilicet, quibus honoris causa cohonestat
 us fuerat, distributio. Hac ut se expediret, testa-
 mentum cōdidit; quo hæredes scripsit Religiosos
 in Urbē homines (vulgò infirmorum Ministri ap-
 pellantur) qui voto solemnī obstricti aegrotis, vel
 pestilentia laborantibus operam dant. Ut enim il-
 los pridem in fidem acceperat, primumq; eorum
 institutum à Sixto Quinto, nec non à Gregorio
 xiiij. Summis Pontificibus procurauerat appro-
 bandum; ita eosdem quoque quasi alumnos pro-
 prios extremis tabulis voluit subleuare. Sed & quan-
 ti Patrum Sodalitatis Iesus, quibus semper familia-
 rissimè fuerat usus, pietatem, doctrinam, ceterasq;
 virtutes fecerit, apertissimè declarauit. For-
 um enim Romano Collegio, quod Gregorius
 xiiij. Pontifex Max. crexerat, bibliothecam, non
 mediocri impensa congestam, legauit, addidit in-
 super Deipatē Virginis collachrymantis signum,
 cuius cultu plurimū oblectabatur, ab Alberto Du-
 ro celeberrimo illo Pictore olim ad eò affabrè,
 tantòq; artificio pictum, ut & veras lachrymas pro-
 fundere, & insipientium animos ad ipsam in cē-
 lis Regnatem Virginem traducere videretur, quod
 tamen postea Clemens viij. qui in præsentī Sam-
 mo totius Christiane Reipublice commodò Chri-
 sti vices in terris gerit, sibi à Patribus concedi pe-
 tiit. Reliquam verò suppellectilem, multam illam
 quidem

quidem, & magnificam, quanti ea foret, licere,
pretiumq; inter domesticos è cuiuscumq; condi-
tione, & itaq; diuidendum mandauit. Quorum-
dam amicorum, quos maximè charos habuerat,
memoriam tenuit, annua singulis pensione ascrip-
ta. Quàm parui autem cognationem sanguinis
faciendam duceret, satis superq; demonstrauit,
cum sororis filie in vrbe Campaniensi pridem nup-
tæ, sicut iam plures liberos procreasset, non alia
tamen bona, quàm quæ sibi illic è Marci fratris
hereditate obuenerat, reliquerit. Euangelicum
quippe illud, consanguineos uidelicet eos in pri-
mis haberi debere, qui cœlestis parentis voluntati
morem gererent, & antea usurpare sæpius solitus
fuerat, & ad extremum diligenter est persecutus.
Deniq; corpus ad Nini Cleinētis ædem, cui è Car-
dinalatus titulo præfuerat, absq; vlla pompa, ve-
rùm modico admodum funeris apparatu humari
præcepit; dictato etiam Elogio, quod sepulchro
incideretur, vel quod potius perpetuum modestiæ
sue simulachrum apud nos esset.

*Hic iacet Vincentius Laureus tt. S. Clementis, Sanctæ
Romanæ Ecclesiæ Presbyter Cardinalis Mon-*

istis regalis muncipatus.

Simul ac igitur Cardinalis se à cura, in qua pro-

testamento faciendo versatus erat, liberauit, de ea tantum ratione, quæ ad piè mortem obeundam at-
tinebat, meditari instituit. Amicis, quotquot ad-
mittebantur, inuisentibus, bonoq; animo ipsi in
esse iubèribus: neq; enim desperandù, quin diuina
ope esset cõualiturus, Si uè uiuimus, dixit, si uè mo-
rimur, Domini sumus. Claudius Aquaiua Soda-
litatis Iesu Præpositus Generaliseius amàtissimus,
vt nullum verò in eum amoris officium prætermitt-
teret, per vnum è patribus illi tempus adesse nũ-
tiauit, quo extremæ vnctionis Sacramento, vt pos-
tè aduersus mortem, atq; humani generis hostem
validissimo præsidio armari deberet. quod Vin-
centius adeò gratum, acceptumq; habuit, vt inge-
tes illi gratias ageret. Tum, oblato Christi Salua-
toris in cruce pendentis signo, statim assurrexit;
fixoq; oculorum obtutu sanctè illud veneratus. In-
dè cuidam ex assistentibus asserenti, Christus cru-
cifixus est pro mundo, & ego, inquit, mundo. Sa-
cerdoti verò extremæ vnctionis Sacramentum de-
ferenti, sacrosq; de more versus pronuntianti, & ip-
se alternis respondit, cuiq; fortè Sacerdos illud
Vatis proferret: In Domum Domini ibimus: At-
qui lætantes, Cardinalis ait, lætantes ibimus, etc-
nim sibi animus re vera gaudebat, gestiebatq; iam
ad mortalitatis calcem decurrisse, vndè postea, tan-
quam è carceribus emissus, ad immensa illa im-
morta-

mortalitatis spatia, sedesq; pergeret. Nos, qui mori-
 enti assedimus, & nouissimis sermonibus eius in-
 terfuimus, quàm constanter, libenterq; mortē ex-
 ceperit, manifestò cōperire potuimus. Patres certò
 Sodalitalis Iesu, qui deficientē sacris Deum preci-
 bus fouerunt, vehementer admirati sunt, eundem,
 quasi imperium in mortem teneret, mortem ip-
 sam non solum æquissimo animo subiisse, verum
 etiam quodammodò contempsisse.

Sic ergò Vincentius, qui natus erat anno salutis
 1523. quinto Kalen. Aprilis, excessit decimo se-
 ptimo Kalen. Ianuarij 1592. magnūq; sui desi-
 derium non apud amicos solum, atq; illos, qui in-
 gentia eius promerita cognita habebant, sed apud
 ceteros quoq; & ignotos reliquit. Ausim propè-
 modum affirmare, nullius Cardinalis obitum è no-

strorum temporum memoria populo magis

luctuosum fuisse. At quamuis

alijs Vincētij mors

tristis

fuerit, nulli tamen magis, quàm mihi

dolenda, lachrymandaq;

accidere potuit.

F I N I S.

Quomodo maculas delere oporteat.

Quisquis legis, errata sic corrigito: reliquorū,
 si quæ fortè supersunt, nullā hīc rationem
 habendam duximus, cum possint vel à me-
 diocriter erudito Lectore inter legendum facilli-
 mē castigari, nam exigua omnino sunt, atq; om-
 nia in vniuersum ne tantillum quidem difficulta-
 tis in sententia parere possunt.

In epist. non longè à fine. tenui. lege tenuis. pag. 3. Latriensq;
 Satriensq; ead. Condobetta. Condobletta. 10. astantes
 Principes, dele. vocem astantes. 14. firmandum. forman-
 dum. 24. effectura. assecutura. 29. Betori. Beton. 31.
 quā annuente. quam vt annuente. 33. Rogli Domina. Bo-
 gli. 34. clarum. charum. 39. pertimescetē? pertimesceret?
 43. vniuersa. vniuersa. 50. Lauscorona. Lancorona. 56.
 & priuilegiōrum, vt priuileg. 57. Lauscorona, Lancorona.
 52. pererahi. pertrahi. 80. vidmus. vidimus.